











DL  
2685  
A17  
1699  
V.11



施註蘇詩卷之三十八

漫堂先生宋

瑩

閱定

毗陵邵長蘅

刪補

樸園先生張榕端

商丘宋至

詩六

三首

起在儋耳洎元符三年庚辰復朝奉郎提舉玉局觀北歸抵英州作

過於海舫得邁寄書酒作詩遠和之皆粲然可

觀子由有書相慶也因用其韻賦一篇并寄諸

子姪

我似老牛鞭不動雨滑泥深四蹠重汝如黃犢走卻來  
海闊山高百程送庶幾門戶有八慈不恨居鄰無二仲



他年汝曹笏滿牀中夜起舞踏破甕會當洗眼看騰躍  
莫指癡腹笑空洞譽兒雖是兩翁癖積德已自三世種  
豈惟萬一許生還尚恐九十煩珍從六子晨耕簞瓢出  
衆婦夜績燈火共春秋古史乃家法詩筆離騷亦時用  
但令文字還照世糞土腐餘安足夢

杜子美百憂集行憶年十五心尚孩健如黃犢走復來後漢荀爽傳潁州爲之語  
曰荀氏入龍慈無雙爽字慈明三輔決錄蔣詡竹下開三徑惟與羊仲求仲從  
游互詳五卷和邵同年詩注唐崔琳傳每歲時宴于家以一榻置笏猶重積其上  
世傳小話有一貧士家惟一甕夜則守之以寢一夕心自慙念苟得富貴當以錢  
若干營田宅若干蓄聲妓而高車大蓋無不備置往來于懷不覺歡適起舞遂踏  
破甕故今俗間指妄想狂計者謂之破甕唐王勃傳父福時嘗託諸子於韓思彥  
思彥曰武子有馬癖君有譽兒癖王家癖何多邪使勃出其文思彥曰生才若是  
可夸也杜子美羌村詩生還偶然遂禮記九十者天子欲有問焉則就其室以珍  
從糞土腐餘用殷浩傳語詳  
二十卷秦少游夢發願詩註



上元夜過赴儋守召獨坐有感

使君置酒莫相違  
守舍何妨獨掩扉  
靜看月牕盤蜥蜴  
臥聞風幔落蜘蛛  
燈花結盡吾猶夢  
香篆消時汝欲歸  
搔首淒涼十年事  
傳柑歸遺滿朝衣

爾雅蝻蜥蜴蟬也守宮詩國風伊威在室鄭氏云伊威委委也此物家無人惻然令人感恩疏云伊威鼠婦也或並作蟲邊傳相先生在翰林時有上元侍飲詩云猶有傳柑遺細君追憶其事故云

海南人不作寒食而以上巳上冢予攜一瓢酒  
尋諸生皆出矣獨老符秀才在因與飲至醉符  
蓋儋人之安貧守靜者也

老鴉銜肉紙飛灰  
萬里家山安在哉  
蒼耳林中太白過



鹿門山下德公回管寧投老終歸去王式當年本不來

記取南城上巳日本棉花落刺桐開

李白詩集有尋城北范居士失道落蒼耳中見范置酒摘蒼耳作三國魏管寧傳  
避難居遼東文帝即位徵還郡注云寧在遼東積三十七年乃歸漢王式傳詔除  
為博士既至止舍中會諸博士共持酒食勞式江公心嫉式謂歌吹諸生曰歌驪  
駒云云式恥之讓諸生曰我本不欲來諸生強勸我竟為豎子所辱遂謝病免歸  
番禺雜編木綿樹高二三丈切類桐木二三月間花既謝葉為綿彼人績之為毯  
潔白如雪溫暖無比刺桐樹似青桐而矮三四月時紅芳滿樹禁煙時士女競戲  
花陰亦曲  
江之偶也

新居

東坡至儋耳軍使張中請館於行衙又別飾官舍為安居計朝  
廷命湖南提舉常平董必者察訪廣西遣使臣過海逐出之中

坐黜死雷州監司悉鑄秩遂買地築室為屋五間謝人王介石  
為客於儋躬泥水之役其勞甚於家隸故詩有逐客猶遭屏句

朝陽入北林竹樹散疎影短籬尋丈間寄我無窮境舊

居無一席逐客猶遭屏結茅得茲地翳翳村巷永數朝

李白詩集有尋城北范居士失道落蒼耳中見范置酒摘蒼耳作三國魏管寧傳  
避難居遼東文帝即位徵還郡注云寧在遼東積三十七年乃歸漢王式傳詔除  
為博士既至止舍中會諸博士共持酒食勞式江公心嫉式謂歌吹諸生曰歌驪  
駒云云式恥之讓諸生曰我本不欲來諸生強勸我竟為豎子所辱遂謝病免歸  
番禺雜編木綿樹高二三丈切類桐木二三月間花既謝葉為綿彼人績之為毯  
潔白如雪溫暖無比刺桐樹似青桐而矮三四月時紅芳滿樹禁煙時士女競戲  
花陰亦曲  
江之偶也



風雨涼畦菊發新穎俯仰可卒歲何必謀二頃

五色雀

并引

海南有五色雀常以雨絳者爲長進止必隨焉俗  
謂之鳳凰云久旱而見輒雨潦則反是吾卜居儋  
耳城南嘗一至庭下今日又見之進士黎子雲及  
其弟咸家旣去吾舉酒祝之曰若爲吾來者當再  
集也已而果然乃爲賦詩

楊浮異物志儋耳南方夷也生則  
鏤其頰皮連耳匡分爲數支狀如

雞腸累累下垂至肩故名  
儋耳見後漢孝明紀注

粲粲五色羽炎方鳳之徒青黃縞玄服翼衛兩紱朱仁  
心知閔農常告雨霽符我窮惟四壁破屋無瞻烏惠然



此粲者來集竹與梧鏘鳴如玉佩意欲相嬉娛寂寞兩  
黎生食菜真臞儒小圃散春物野桃陳雪膚舉杯得一  
笑見此紅鸞雛高情如飛仙未易握粟呼胡爲去復來  
眷眷豈屬吾回翔天壤間何必懷此都

韓退之詩丹穴五色羽其名爲鳳凰詩小雅瞻烏爰止于誰之屋詩國風惠然肯  
來又見此粲者詩疏鳳凰非梧桐不棲非竹實不食左傳莊二十二年鳳凰于飛  
和鳴鏘鏘番禹雜編五色雀一名音聲鳥每樂作有聲如鼓者填者笛者版者滿  
小嘈贊久而自罷詩小雅交交桑扈率場啄粟握粟出卜自何能穀賈誼弔屈原  
賦歷九州而相君  
兮何必懷此都也

倦夜

倦枕厭長夜小牕終未明孤村一犬吠殘月幾人行衰  
鬢久已白旅懷空自清荒園有絡緯虛織竟何成

不官云自月時少陽時  
結有遠致遠合通體供  
有思有



用過韻冬至與諸生飲酒

公自注時吳皆坐客其餘皆自事實錄也

小酒生黎法乾糟瓦缶中芳辛知有毒滴瀝取無窮凍  
醴寒初泫春醅暖更饒華夷兩樽合醉笑一歡同里閭  
我山北田園震澤東歸期邴敢說安訊不曾通鶴鷄爲  
全白犀圍尚半紅愁顏解符老壽耳闕吳翁得穀鵝初  
飽亡猫鼠益豐黃薑收土芋卷耳斫霜叢兒瘦綠儲藥  
奴肥爲種松頻頻非竊食數數尚乘風河伯方夸若靈  
媧自舞馮歸塗陷泥淖炬火燎節蓬膝上王文度家傳  
張長公和詩仍醉墨戲海亂羣鴻

番禺雜編黎人在海南山洞中一日熟黎亦供州縣之役又有生黎所居洞深百餘里善登木如猿猱詩小雅有饒簋飧鄭氏云饒滿簋貌王注峨山在眉州震澤

在常州陸務觀云故事謫散官雖別駕司馬皆封賜如故宋尚書在廊時詩云經時不巾櫛傭更佩金魚先生時謫瓊州別駕故用犀圍尚半紅之句揚子頻頻之黨甚於鸞斯亦賊夫糧食而已乘風河伯俱用莊子屢見司馬相如大人賦使靈媧鼓琴而舞馮夷已見晉王坦之字文度滕上事屢見漢張釋之傳子摯字長公官至大夫免以不能取容當世故終身不仕韋續墨藪梁武帝評鍾繇書如雲鶴造天羣鴻戲海

縱筆三首

寂寂東坡一病翁  
白須蕭散滿霜風  
小兒誤喜朱顏在  
一笑那知是酒紅

父老爭看烏角巾  
應緣曾現宰官身  
溪邊古路三叉口  
獨立斜陽數過人

北船不到米如珠  
醉飽蕭條半月無  
明日東家當祭竈  
隻雞斗酒定餽吾

款老得如好書  
三下

官板不齊

真得如



漢孫寶傳入舍祭禮請此  
鄰再見膳肉亭出孟子

### 貧家淨掃地

貧家淨掃地貧女好梳頭下士晚聞道聊以拙自修扣  
門有佳客一飯相邀畱春炊勿草草此客未易媮慎勿  
用勞薪感我如薰猶德人抱衡石銖黍安可度

老子下士聞道大笑之杜子美詩一飯未嘗畱俗客數篇人見古人詩詩小雅勞  
人草草左傳襄三十年季武子曰晉未可媮也注媮薄也晉荀勗傳常在武帝坐  
進飯謂人曰此是勞薪所炊帝遣問膳夫乃云實用故車脚世  
服其明識左傳僖四年晉卜人曰一薰一蕕十年尚猶有臭

### 次韻子由贈吳子野先生二絕句

吳子野名復古一  
字遠遊潮州人東

坡與一見論出世間法嘗著養生論一篇爲子野作也與遊二十  
餘年南遷至真揚間見子野無一語及得喪休戚事獨告坡曰邯  
鄲之夢猶足破妄而歸真目見而身履之亦可以悟矣未幾南歸  
訪東坡於惠過子由於循坡徙僦耳子野又從之爲作遠遊菴銘

送坡北歸遇疾而殂以文祭之曰嗚呼子野道與世違寂默自求  
闔門垂幃兀爾坐忘有似子微或似壺子杜氣發機急人緩已忘  
其渴饑送我北還中道弊衣有疾不藥但卻  
甘肥問以後事一笑而麾可以知其人矣

馬跡車輪滿四方若爲閑暑小茆堂仙心欲捉左元放  
癡疾還同顧長康

後漢左慈字元放曹操欲于座上收殺之慈乃卻入壁中云云  
互見二十卷次韻孔毅父詩注長康顧愷之字世傳癡絕屢見

江令蒼苔圍故宅謝家語燕集華堂先生笑說江南事  
祇有青山繞建康

江令江總也爲陳中書令劉禹錫金陵五題其一江令宅云南朝詞臣北朝客歸  
來惟見秦淮碧池臺竹樹三畝餘至今人道江家宅其一烏衣巷云朱雀橋邊野  
草花烏衣巷口夕陽斜舊時王謝堂前燕飛入尋常  
百姓家九域志江寧府天禧元年爲建康軍節度

被酒獨行徧至子雲威徽先覺四黎之舍三首



半醒半醉問諸黎  
竹刺藤梢步步迷  
但尋牛矢覓歸路  
家在牛欄西復西

杜子美詩竹寒沙碧浣花縣摘刺藤梢思又迷  
韓非子商太宰問市南門之外牛矢何多

總角黎家三四童  
口吹蔥葉送迎翁  
莫作天涯萬里意  
谿邊自有舞雲風

符老風情奈老何  
朱顏減盡鬢絲多  
投梭每困東鄰女

換扇唯逢春夢婆

公自注是日復見符林秀才言換扇事

投梭晉謝鯤事已見趙德麟侯鯖錄東坡在昌化時負大瓢行歌田畝間蓋哨遍也  
歸婦年七十謂曰內翰昔日富貴一場春夢坡然之里人因呼爲春夢婆

### 夜燒松明火

歲暮風雨交  
客舍悽薄寒  
夜燒松明火  
照室紅龍鸞快



焰初煌煌碧煙稍團團幽人忽富貴蕙帳芬椒蘭珠煤

綴屋角香澗

音詣

流銅槃

公自注澗松歷也出本草注

坐看十八公俯仰灰

燼殘齊奴朝爨蠟萊公夜長歎海康無此物燭盡更未

闌

本草唐本注云松取枝燒其上下承取汁名澗晉石崇傳小字齊奴常以蠟代薪

歐陽公歸田錄寇萊公自少年富貴不點油燈雖寢亦然燭達旦每罷官去後人

至官舍見廁溷間燭淚在地往往成

堆按雷州海康郡萊公貶此地終焉

庚辰歲人日作時聞黃河已復北流老臣舊數

論此今斯言乃驗二首

神宗元豐四年澶州言河決小吳

不修閉哲宗元祐三年知樞密院安燾等疏議回河東流平章重

事文忠烈中書侍郎呂正愍從而和之力主其議子由在西掖言

於右僕射呂正獻曰河決而北先帝不能回而諸公欲回之是自

謂過先帝也正獻曰當與公籌之然竟莫能奪其役遂與議論紛



然至於累歲八魯侍上讀祖宗寶訓因及時事曰黃河執方北流而強之使東當軸者恨之老臣舊數論此指此事也

老去仍棲隔海村夢中時見作詩孫天涯已慣逢人日  
歸路猶欣過鬼門三策已應思賈讓孤忠終未赦虞翻  
典衣剩買河源米屈指新筍作上元

作詩孫陸務觀云在蜀見蘇山藏公墨迹題韻竹後題云寄作詩孫符符字仲虎九域志零州鬼門關漢伏波將軍馬援討牂牁蠻路由此立碑石龜尚在韓退之贈張十一詩云又署南荒吏路指鬼門幽更實諺云若渡鬼門關十去九不回三國吳虞翻傳孫權怒從翻交州在南十餘年卒河源米河源縣屬惠州當是杭林所產也白樂天嘗酒詩一窺香醪新插筍

不用長愁挂月村檳榔生子竹生孫

公自注海南勒竹每節生枝如竹竿大蓋竹孫也

新巢語燕還窺硯舊雨來人不到門春水蘆根看鶴立  
夕陽楓葉見鴉翻此生念念隨泡影莫認家山作本元

末上五御月克夜  
句以神說視

三多月如自雲海月  
與年山如日天長夜



杜子美詩月挂客愁村舊雨字出杜子美秋述已見

庚辰歲正月十二日天門冬酒熟予自漉之且漉且嘗遂以大醉二首

自撥牀頭一甕雲幽人先已醉濃芬天門冬熟新年喜麴米春香並舍聞

公自注杜子美詩云聞道雲安麴米春蓋酒名也

菜圃漸疎花漠漠

竹扉斜掩雨紛紛擁裘睡覺知何處吹面東風散纈紋

證類本草孫真人枕中記云天門冬釀酒服之去三虫伏屍輕身益氣令人不饑

載酒無人過子雲年來家醞有奇芬醉鄉杳杳誰同夢  
睡息齁齁得自聞口業向詩猶小小眼花因酒尚紛紛  
點燈更試淮南語汎溢東風有縠紋



王績醉鄉記乃命周公旦立酒人氏之職典司五齊七土七千里僅與醉鄉達焉  
差乎醉鄉氏之俗豈古華胥氏之國乎其序叙也如是余將遊焉莊子駢拇篇  
吾所謂聰者非謂其聞彼也自聞而已矣崔南子東風至而酒汎溢高誘注云酒  
汎謂米麴麴之汎者風至而沸動許氏注云酒汎清酒也東風東方也木味酸相  
感致也

追和戊寅歲上元

春鴻社燕巧相違白鶴峯頭白板扉石建方欣洗牖廁  
姜龐不解歎蠨蛸一龕京口嗟春夢萬炬錢塘憶夜歸  
合浦賣珠無復有當年笑我泣牛衣

漢石奮傳長子建爲郎中令每五日洗沐歸謁親入子舍竊問待者取親中裙廁  
牖身自澣灑姜龐廣漢姜詩妻同郡龐盛之女也詩事母至孝妻奉順尤篤詳十  
八卷五禽言詩注再見詩國風伊威在室蠨蛸在戶伊威注見本卷蠨蛸長跖也  
漢王章傳初爲諸生學長安獨與妻居章疾病無被臥牛衣中與妻決涕泣後章  
爲京兆欲上封事妻曰人當知足獨不念牛衣中涕泣時邪果下廷尉獄既死  
妻子皆徙合浦采珠致產數百萬注云牛衣編亂麻爲之卽今俗呼爲龍具者



題過所畫枯木竹石三首

老可能爲竹寫真小坡今與石傳神山僧自覺菩提長  
心境都將付臥輪

老可謂文與可小坡言過也過字叔黨先生之子時謂小東坡傳燈錄臥輪禪師偈云臥輪有伎倆能斷百思想對境心不起菩提日日長六祖聞之曰未也乃云慧能無伎倆不斷百思想對境心數起菩提作麼長

散木支離得自全交柯蚴蟻欲相纏不須更說能鳴鴈  
要以空中得盡年

莊子人間世匠石之齊見櫟社樹曰散木也又支離其身者猶足以養其身終其天年況支離其德者乎漢司馬相如傳青龍蚴蟻於東廂莊子山木篇弟子問於莊子曰昨日山中之木以不材得終其天年今主人之鴈以不材死先生將何處莊子笑曰周將處夫材與不材之間似之而非也故未免乎累

倦看澀勒暗蠻村亂棘孤藤束瘴根唯有長身六君子



猗猗

一作猗猗

猶得似淇園

詩國風碩果被其澳綠竹猗猗毛傳綠王芻也竹爲竹也漢溝洫志下淇園之竹以爲棹

真一酒歌

并引

布算以步五星不如仰觀之捷吹律以求中聲不如耳齊之審鉛汞以爲藥策易以候火不如天造之真也是故神宅空樂出虛踟躕者以氣升孰能推是類以求天造之藥乎於此有物其名曰真一遠遊先生方治此道不飲不食而飲此酒食此藥居此堂予亦竊其一二故作真一之歌其辭曰空中細莖插天芒不生沮澤生陵岡涉閱四氣更六陽



森然不受螟與蝗飛龍御月作秋涼蒼波改色屯雲黃  
天旋雷動玉塵香起搜十裂照坐光跼趺牛噉昨笑反安且  
詳動搖天關出瓊漿壬公飛空丁女藏三伏遇井了不  
嘗釀爲真一和而莊三杯儼如侍君王湛然寂照非楚  
狂終身不入無功鄉

莊子青青之麥生於陵陂按麥熟頭昂故芒可云插天也此詩通首皆指麥言之  
王注麥以九月種四月熟沙闕四氣者謂備四時之氣更六陽者謂自十一月一  
陽生至四月爲六陽也又王克論衡云穀之多蟲者麥也稻時有蟲麥與秬無蟲  
又麥以四月熟時爲秋禮記月令孟夏之月麥秋至是也按卦氣圖十一月復卦  
爲乾之初九遁至三月夬卦爲乾之九五四月正陽之月爲純乾卦乾九五飛龍  
在天則飛龍御月者指三月也是時麥欲秋矣故下有蒼波屯雲之句又柳子厚  
詩云麥芒際天搖青波稍老謂之蒼波稍熟則又如黃雲之屯也又論衡云日月  
星隨天而西譬若蟻行磨上則磨可以言天旋又天文志天無雷而有聲謂之雲  
磨則磨可以言雷動又東晉餅賦云漫項薄持起搜牽九四物之名晉何曾性豪  
侈作蒸餅不裂作十字不食詩蓋用曾事也再見又佛氏謂盤足爲跼趺楞嚴經



云有牛呵病謂吐而嘔也又黃庭經言口為天關環梁以言華池之水也王公言水丁女言火既出華池之水則壬水飛而在上丁火伏而在下矣韓退之韓碑火詩女丁婦壬傳世始王結字無功著醉鄉記已見本卷

### 汲江煎茶

活水還須活火煎

公自注唐人云茶須緩火炙活火煎

自臨釣石取深清大瓢

貯月歸春甕小杓分江入夜鉶茶雨已飄煎處腳松風

忽作瀉時聲枯腸未易禁三椀坐聽荒城長短更

子來僂耳得吠狗曰烏觜甚猛而馴隨予遷合

浦過澄邁泗而濟路人皆驚戲為作此詩

烏喙本海獒幸我為之主食餘已瓠肥終不憂鼎俎晝

馴識賓客夜悍為門戶知我當北還掉尾喜欲舞跳踉

細腹而食之腹中何物  
待為子報深加外使  
活力用



趁童僕吐舌喘汗雨長橋不肯躡徑渡清深浦拍浮似  
鵝鴨登岸劇虓虎盜肉亦小疵鞭箠當貫汝再拜謝厚  
恩天不遣言語何當寄家書黃耳定乃祖

爾雅犬四尺爲獒漢張蒼傳肥白如瓠魏賈岳宗狗賦其所折伏敬主識人晝則  
無窺竊之客夜則無姦淫之賓漢蒯通傳里婦云昨暮夜犬得肉黃耳晉陸機犬  
名詳見九卷捕蝗  
至浮雲嶺詩注

澄邁驛通潮閣二首

倦客愁聞歸路遙眼明飛閣俯長橋貪看白鷺橫秋浦  
不覺青林沒晚潮

餘生欲老海南村帝遣巫陽招我魂杳杳天低鷓沒處  
青山一髮是中原



楚辭宋玉招魂帝告巫陽曰有人在下我欲輔之魂魄離散汝筮與之巫陽對曰  
掌夢上帝其命難從若必筮予之恐後之謝不能復用巫陽焉乃下招曰云云韓  
退之詩乘潮簸扶  
胥近岸指一髮

### 洞酌亭

并引

瓊山郡東衆泉咸發然皆冽而不食丁丑歲六月  
南遷過瓊始得雙泉之甘於城之東北隅以告其  
人自是汲者常滿泉相去咫尺而異味庚辰歲六  
月十七日遷於合浦復過之太守承議郎陸公求  
泉上之亭名與詩名之曰洞酌其詩曰

洞酌兩泉挹彼注茲一鉉之中有澠有淄以瀹以烹衆  
莫齊自江徂海浩然無私豈第君子江海是儀既

喊胡感切



味我泉亦濟

音霽

我詩

詩大雅洞酌彼行潦挹彼注茲列子仲尼篇口將爽者先辨淄澠張湛曰淄澠水異味既合則難別也又說符篇孔子曰淄澠之合易牙嘗而知之揚子易牙能臧不能齊不齊之口注臧者嘗其味也禮疏齊謂至齒嘗之

六月二十日夜渡海

參橫斗轉欲三更苦雨終風也解晴雲散月明誰點綴  
天容海色本澄清空餘魯叟乘桴意麤識軒轅奏樂聲  
九死南荒吾不恨茲遊奇絕冠平生

樂府善哉行月沒參橫北斗闌干左傳昭公四年春無淒風秋無苦雨詩國風終風且霾晉謝重傳嘗侍會稽王道子坐于時月夜明淨道子嘆以爲佳重率爾曰意謂乃不如微雲點綴道子戲曰卿居心不淨乃欲滓穢太清耶韓退之詩水色與天容此處皆淥淨楞嚴經譬如澄清百千大海楚辭離騷雖九死其猶未悔

自雷適廉宿於興廉村淨行院



荒涼海南北佛舍如雞棲忽行榕林中跨空飛拱枅當  
門冽碧井洗我兩足泥高堂磨新輓洞戶分角圭倒牀  
便甘寢鼻息如虹霓僮僕不甯去我爲半日稽晨登一  
葉舟醉兀十里谿醒來知何處歸路老更迷

韓退之青龍寺詩刻畫圭角出崖嵌  
杜子美詩山晚黃雲合歸時恐路迷

### 廉州龍眼質味殊絕可敵荔枝

龍眼與荔枝異出同父祖端如甘與橘未易相可否異  
哉西海濱琪樹羅玄圃纍纍似桃李——流膏乳坐疑  
星隕空又恐珠還浦圖經未嘗說玉食遠莫數獨使一作有  
皴皮生弄色映琬俎蠻荒非汝辱幸免妃子汗



番禺雜編龍眼子樹葉俱似荔枝但子圓小止淡黃一色廣人多呼爲亞荔枝左傳莊七年夜中星隕如雨珠還後漢孟嘗事已見按皺皮指荔枝妃子所謂楊妃嗜生荔枝致禍也注已見

合浦愈上人以詩名嶺外將訪道南嶽畱詩壁  
上云閒伴孤雲自在飛東坡居士過其精舍戲

和其韻

孤雲出岫豈求伴錫杖凌空自要飛爲問庭松尚西指

不知老獎幾年

一作歸時

陶淵明辭雲無心以出岫柳子厚詩仙山不屬分符客一任凌空錫杖飛大唐新語玄奘法師西域取經以手摩靈巖寺松樹曰吾西去汝可西長若吾歸卽東向使吾弟子知之及去其枝年年西指長數丈一年忽東向弟子曰吾師歸矣乃迎之果至後號爲摩頂松

梅聖俞之客歐陽晦夫使工畫茅菴已居其中



一琴橫牀而已曹子方作詩四韻僕和之云

按宋

史元符三年正月哲宗崩後宗即位先生以五月始被命移廣州六月卒

命移廣州六月卒

寂寞王子猷回船剡谿路迢迢戴安道雪夕誰與度倒披王恭簑半掩袁安戶應調折絃琴自和撚須句

### 歐陽勝夫惠琴枕

中郎不眠仰看屋得此古椽圍尺竹輪囷濩落非笛用剖作袖琴徽軫足流傳幾處到淵明臥枕綸巾酒新漉

孤鸞別鵠

一作鵠

誰復聞鼻息齁齁自成曲

張騰文士傳蔡邕經會稽高遷處見屋椽竹東閭第六可以爲笛取用果有異聲邕初平元年拜中郎將古琴操一曰別鵠操商陵牧子作陶淵明詩知我故來意取琴爲我彈上絃驚別鵠下絃離孤鸞西陽雜俎許州有一老僧自四十夏以後每寢熟卽聲如鼓笛手自成均節許州俗人伺其寢卽譜其聲按之絲竹皆合古奏



僧覺亦不自知  
十餘年如此

留別廉守

編萑以苴豬瑾塗以塗之小餅如嚼月中有酥與飴懸  
知合浦人長誦東坡詩好在真一酒為我醉宗資

禮記內則炮取豚若將刲之剝之實棗於其腹中編萑以苴之塗之以謹塗炮之  
注云將音詳萑蘆葦之類苴裏也謹當為瑾黏土也言行錄丁巳公與楊大年拋  
令大年云有酒如線遇鍼則見晉公云有餅如月  
遇食則缺後漢宗資為汝南太守詩意謂廉守也

餅笙  
并引

庚辰八月二十八日劉幾仲餞飲東坡中觴聞笙

簫聲杳杳若在雲霄間抑揚往返麤中音節徐而

察之則出於雙餅水火相得自然吟嘯蓋食頃乃



已坐客驚歎得未曾有請作鉶笙詩記之

孤松吟風細泠泠獨重長縑女媧笙陋哉石鼎逢彌明  
蚯蚓竅作蒼蠅聲鉶中宮商自相賡昭文無虧亦無成  
東坡醉熟呼不醒但云作勞吾耳鳴

神仙傳曰秦穆公成子已獨重縑之經月不絕再見禮記明堂位女媧之笙實莊  
子齊物論有咸與虧故昭氏之鼓琴也無成與虧故昭氏之不鼓琴也晉載記石  
勒爲人排開鞞鐸之音以告其  
母母曰作勞耳鳴非不醒也

歐陽晦夫遺接羅琴枕戲作此詩謝之

攜兒過嶺今七年晚塗更著黎衣冠白頭穿林要藤帽  
赤腳渡水須花縵不愁故人驚絕倒但使俚俗相恬安  
見君合浦如夢寐挽須握手俱汎瀾妻縫接羅霧縠細



兒送琴枕冰徽寒無絃且寄陶令意倒載猶作山公看  
我懷汝陰六一老睂宇秀發如春巒羽衣鶴氅古仙伯  
岌岌兩柱扶霜紈至今畫像作此服凜如退之加渥丹  
爾來前輩皆鬼錄我亦帶脫巾欹寬作詩頗似六一語  
往往亦帶梅翁酸

番禺雜編生黎人用藤織裹頭謂之麗賴子西域記西域國人首冠花縵身衣纓絡杜子美詩相對如夢寐又詩問事競挽須東軒雜錄晏公一日見韓愈畫像語坐客曰此貌大類歐陽修安知非愈後身也詩國風顏如渥丹梅翁謂梅聖俞也東坡題梅詩集後云先君與二丈游時某與子由年甚少公獨深知之南遷過合浦見其門人歐陽晦夫出其詩藁數十幅云

次韻王鬱林

此乃陽明者不切

晚塗流落不堪言巾上春泥手自翻漢使節空餘皓首



故侯瓜在有顏垣平生多難非天意此去殘年盡主恩  
誤辱使君相杖拭寧聞老鶴更乘軒

漢朱博傳長陵大姓尚方禁少將將盜人妻見研創著其煩博  
笑曰大丈夫國時有是此劉欲酒鄉恥杖拭用禁能自效否

藤州江下夜起對月贈邵道士

江月照我心江水洗我肝端如徑寸珠墮此白玉盤我  
心亦如此月滿江不端起舞者誰歟莫作三人看嶠南  
瘴毒地有此江月寒乃知天壤間何人不清安牀頭有  
白酒盎若白露漙獨醉還獨醒夜氣清漫漫仍呼邵道  
士取琴月下彈相將乘一葉夜下蒼梧灘

徐元用使君與其子端常邀僕與小兒過同遊

清之韻衡岳陽守望三  
原如神系之候



東山浮金堂戲作此詩

元用名疇

昔與徐使君共賞錢塘春愛此小天竺時來中聖人松  
如遷客老酒似使君醇繫舟藤城下弄月鐔江濱江月  
夜夜好雲山朝朝新使君有令子真是石麒麟我子乃  
散材有如木輪囷二老白接羅兩郎烏角巾醉臥松下  
石扶歸江上津浮橋半沒水揭此碧鱗鱗

萬史顧憲之爲建康令甚得人和故都下飲酒得醇者輒呼爲顧建康謂其清且美焉陳後主詩璧月夜夜好瓊樹朝朝新

送鮮于都曹歸蜀灌口舊居

簫盡霜鬢照碧鉅依然春雪在長松朝行犀浦催收芋  
夜渡繩橋看伏龍莫歎倦遊無駟馬要將老健敵千鍾



子雲三世惟身在爲向西南說病容

犀浦在郫縣青城山記云本冰家五石單以瓶水一在青城二在犀浦一在成都  
市橋一在江中號犀浦爲沉犀浦子美南都詩團收芋栗未全食  
有伏龍觀村入雲行還鄉如粉壯七喜漢揚雄傳  
字子雲蜀郡成都人也

送邵道士彥肅還都嶠

洞天福地記第二十都嶠山洞周回一百八十里名寶玄之天在容州

乞得紛紛擾擾身結茆都嶠與仙鄰少而寡慾顏常好  
老不求名語益真許邁有妻還學道陶潛無酒亦從人  
相隨十日還歸去萬劫清遊結此因

許邁傳字遠遊初學道時其妻尚在父母既終乃遣妻孫氏還家遂攜其同  
志遍遊名山焉晉書陶潛傳或有酒要之雖不識主人亦欣然無忤酣醉便返

書韓幹二馬

赤髯碧眼老鮮卑回策如縈獨善騎楨白紫驅俱絕世



馬中岳湛有妍姿

後漢鮮卑傳東胡之支也別依鮮卑山故因號焉晉明帝紀乘巴滇駿馬微行至  
 子湖陰宗王敦營壘敦書寢驚起曰此必黃鬚鮮卑奴來也晉王湛傳兄子濟有  
 從馬絕難乘湛騎此馬姿容既妙回策如縈善騎者無以過之詳見二十七卷和  
 王晉卿詩注顧白顏延年有顧白馬賦季太白紫驪馬詩紫驪行且嘶雙鸞碧玉  
 躡岳湛借用夏侯湛  
 潘岳連璧事已見

將至廣州用過韻寄邁迨二子

皇天遣出家臨老乃學道北歸為兒子破戒堪一笑披  
 雲見天眼回首失海潦蠻唱與黎歌餘音猶杳杳大兒  
 牧衆穉四歲守孤嶠次子病藥醫三折乃甌曉小兒耕  
 且養得暇為書繞我亦困詩酒去道愈茫渺紛紛何時  
 定所至皆可老莫學柳儀曹詩書教氓獠亦莫事登陟

刻意擺脫直中刺



谿山有何好安居與我遊閉戶淨灑掃

左傳定十三年晉知伯將伐公齊高驪曰三折肱知爲良醫唯伐君爲不可湯子古之學者耕且養唐柳宗元傳自禮部員外郎坐貶後徙柳州刺史南方爲進士者走數千里以宗元爲師經指授者爲文辭皆有法

贈鄭清叟秀才

風濤戰扶胥海賊橫泥子胡爲犯二怖博此一笑喜問  
君奚所欲欲談仁義耳我才不逮人所有聊足已安能  
相付予過聽君誤矣霜風掃瘴毒冬日稍清美年來萬  
事足所欠惟一死澹然兩無求滑淨空裴几

韓退之南海廟碑廟在今廣州治之東南海道八十里扶胥之口黃木之灣再見

和孫叔靜兄弟李端叔唱和

孫叔靜名壽錢塘人徙江都年十五遊太學老蘇先

謝子刺書如石  
宋志不易得



生亟稱之哲宗擢提舉廣東常平東坡居惠州極意與周旋二子娶晁無咎黃魯直女黨事起家人危之叔靜一無所顧平生篤於行義君子人也微時與蔡京善察其人常曰蔡子貴人也然才多而德薄志大而行不副若不能謹守恐貽天下憂京還朝遇諸途京曰我若用願助我叔靜曰公能以正論輔人主節儉以先百吏而絕口不言兵募何爲者京默然後卒如其言仕爲太僕卿殿中少監以顯謨閣待制知曹州單州靖康二年卒年八十六諡通靖

渾老已情不用去

病骨瘦欲折霜髯爾更疎喜聞新國政兼得故人書秉燭真如夢傾杯不敢餘天涯老兄弟懷抱幾時攄

杜子美簡諸子詩少陵野老骨欲折又羌村詩夜闌更秉燭相對如夢寐

廣倅蕭大夫借前韻見贈復和答之二首

生還麕勝虞蚤退不如疎垂死初聞道平生誤信書風

濤驚夜半疾病送災餘賴有蕭夫子幽懷得少攄



唐書魏士人  
稱為蕭夫子

心閑詩自放筆老語翻疎贈我皆強韻知君得異書滔  
滔沮叟是綽綽並生餘一笑滄溟側應無積可攄

南史王筠傳為詩能用強韻張山松漢書王國為會稽守環計下時人稱其才進  
曰不見異人當得異書抱朴子時人疑蔡邕得異書搜其帳中果得王克所作論  
衡綽綽用  
孟子語

### 跋王晉叔所藏畫

徐熙杏花

徐熙鍾陵人

江左風流王謝家畫攜書畫到天涯卻因梅雨丹青暗  
洗出徐熙落墨花

圖畫見聞志徐熙意出古今徐鉉云落墨為格雜彩副之迹與色不相隱映也沈  
存中筆談國初江南布衣徐熙善畫花以墨筆畫之殊草草略施丹粉神氣迥出

此書自寫  
之書各有其妙此  
上見之惟山茶  
西大照



別有生  
動之意

趙昌四季

圖畫見聞志趙昌  
廣漢人工畫花果

芍藥

妙言似小人

倚竹佳人翠袖長  
天寒猶著薄羅裳  
揚州近日紅千葉  
自是風流時世粧

杜子美佳人詩天寒翠袖薄日暮倚脩竹因話錄崔樞夫人治家  
整肅貴賤皆不許時世粧白樂天歌時世粧自出城中傳四方

躑躅

為詩作

此言獨用此作但寬  
何意至此別名

楓林翠壁楚江邊  
躑躅千層不忍看  
開卷便知歸路近  
劍南樵客為施丹

范蜀公來齋記趙昌漢  
州人昌自稱劍南樵人



寒菊

卷之六

輕肌弱骨散幽葩，真是青裙兩髻丫。  
便有佳名配黃菊，應緣霜後苦無花。

西京雜記：趙婕妤體弱骨豐，肌尤工。語云：歐陽公詩：小婢立我前，赤腳兩髻丫。

山茶

遊蜂掠盡粉絲黃，落葉猶收蜜露香。  
待得春風幾枝在，年來殺菽有飛霜。

左傳：定公元年冬十月，殞霜殺菽。

和黃秀才鑒空閣

明月本自明，無心孰爲境。  
挂空如水鑒，寫此山河影。  
我

空重起初一賦前  
臨江上作



觀大瀛海巨浸與天永九州居其間無異蛇盤鏡空水  
兩無質相照但耿耿妄云桂兔墓俗說皆可屏我遊鑒  
空閣缺月正淒冷黃子寒無衣對月句愈警借君方諸  
淚一沐管城穎誰言小叢林清絕冠五嶺

前定錄袁孝叔遇異人得書云每受命卽開一幅累仕皆驗最後一幅畫蛇蟠鏡  
中而已五經通義月中有兔與蟾蜍月陰也蟾蜍陽也而與兔並明陰係陽也西  
陽雜俎舊傳月中有桂有兔故異書言月桂高五百丈下有一人常斫之長慶中  
有人八月十五夜玩月光屬於林中如匹布尋視之見金背蝦蟆疑是月中者  
淮南子陽燧見日燭而爲火方諸見月津而爲水大莊嚴  
論如是衆僧者乃勝智之叢林一切諸善行運集在其中

韋偃牧馬圖

神工妙技帝所收江都曹韓逝莫畱人間畫馬唯韋侯  
當年爲誰掃驊騮至今霜蹏踏長楸圉人困臥沙壠頭



沙苑茫茫蒺藜秋風駿霧鬣寒颼颼龍種尚與駑駘遊  
長稽短豆豈我羞八鑿六轡非馬謀古來西山與東丘  
杜子美曹將軍畫馬引國初已來畫鞍馬神妙獨數江都王將軍得名三十載人  
間又見真乘黃又丹青引弟子韓幹炙入室亦能畫馬窮殊相又韋偃畫馬歌戲  
拈秃筆掃驪駒款見驥驎出東壁一匹斲草一匹嘶坐看千里當霜蓬又看壁蹤  
踏長楸間又李鄠縣胡馬行一聞說盡急難材轉益愁向駑駘輩又始知神龍別  
有種不比俗  
馬空多肉

### 題靈峰寺壁

靈峰山上寶陀寺白髮東坡又到來前世德雲今我是  
依希猶記妙高臺

華嚴經德雲比丘居  
勝樂國妙峰山之上

衆妙堂

先生有衆妙  
堂記載集中



湛然無觀古真人我獨觀此衆妙門夫物芸芸各歸根  
衆中得一道乃存道人晨起開東軒趺坐一醉扶桑暎  
餘光照我玻璃盆倒射牕几清而溫欲收月魄餐日魂  
我自日月誰使吞

老子玄之又玄衆妙之門又夫物芸芸各歸其根黃庭內景經出日  
入月呼吸存注云日月者陰陽之精也左出右入身有陰陽之氣

題馮通直明月湖詩後

老行清篇墨未枯小馮新作語尤殊呼兒淨洗涵星硯

爲子賡歌墮月湖聞道狎江空抱珥

公自注南詔有西珥河卽  
古狎柯江也河形如月抱

珥故名  
西珥

年來合浦自還珠請君多釀蓮花酒準擬王喬下

履鳧



王注老衍謂馮衍也漢西南夷傳蜀枸醬道西北犍牯江江廣數里出番禺城下再見

次韻鄭介夫二首

鄭介夫名俠福清人事詳見宋史東坡南遷始識介夫北歸至英介夫在焉和其二

詩嘉定六年  
賜諡曰介

一落泥塗迹愈深尺薪如桂米如金長庚到曉空陪月  
太歲今年合守心相與齧鹽持漢節何妨振履出商音  
孤雲倦鳥空來往自要閑飛不作霖

左傳襄三十年趙孟謂絳縣老人曰吾子辱在泥塗久矣武之罪也戰國策蘇秦謂楚王曰國之食貴於玉薪貴於桂後漢郎顗傳孝經鉤命決曰歲星守心年穀豐注云歲星守心為重華故年豐也劉向新序原憲曳杖拖履行歌商頌聲滿天地如出金石尚書高宗命說曰若歲大旱用汝作霖雨

一生憂患萃殘年心似驚蟄未易眠海上偶來期汗漫  
輦間猶得見延緣良醫自要經三折老將何妨敗兩甄



收取桑榆種梨棗祝君眉壽似增川

晉周訪傳擊賊率杜曾使李恒督左甄許朝督右甄訪自領中軍令其衆曰一甄敗鳴三鼓兩甄敗鳴六鼓自旦至申兩甄皆敗訪親鳴鼓士皆騰踊奔赴曾遂大潰詩小雅如川之方至以莫不增

施註蘇詩卷之三十八



施註蘇詩卷之三十九

漫堂先生宋 肇

長洲顧嗣立

閱定

毗陵邵長蘅

刪補

樸園先生張榕端

商丘宋 至

詩五十一首

起建中靖國辛巳改元慶嶺北歸即以是年七月卒於毗陵 施註缺今補

昔在九江與蘇伯固唱和其畧曰我夢扁舟浮

震澤雪浪橫江

一作空

千頃白覺來滿眼是廬山倚

天無數開青壁蓋實夢也昨日又夢伯固手持

乳香嬰兒示予覺而思之蓋南華賜物也豈復

與伯固相見於此耶今得來書知已在南華相



待數日矣感歎不已故先寄此詩

扁舟震澤定何時滿眼廬山覺又非  
春草池塘惠連夢上林鴻鴈子卿歸  
水香知是曹溪口眼淨同看古佛衣  
不向南華結香火此生何處是真依

漢書蘇武使昭帝即位求武等匈奴言武死後使至常惠教漢使謂單于言天子射上林中得鴈足有係帛書言武等在其澤中單于視左右大驚乃使武歸曹溪志梁時有天竺國僧自西來汎船曹溪口聞異香曰上流必有勝地尋之遂開山立石乃云百七十年後當遇無上法師在此演法今六祖南華寺是也眼淨字履見傳燈錄五祖黃梅弘忍大師以衣鉢潛付六祖今衣猶傳寺中古佛衣即指此白樂天詩本結菩提香火社爲嫌煩惱電泡身

次韻韶守狄大夫見贈二首

華髮蕭蕭老遂良

公自注紹河南帖云即日遂良鬢髮盡白蓋謫長沙時也

一身萍挂海中央

無錢種菜爲家業有病安心是藥方  
才疎正類孔文舉



癡絕還同顧長康萬里歸來空泣血七年供奉殿西廊

公自注通鑑閣在延和殿西廊

後漢書孔融傳字文舉融負其高氣志在靖難而才疎意廣迄無成功

森森畫戟擁朱輪坐詠梁公覺有神白傅閒游空誦句

公自注事見白樂天吳郡詩石記

拾遺窮老敢論親公自注事見子美寄秋明府詩

東海莫懷疎

受意西風幸免庾公塵為公過嶺傳新唱催發寒梅一

信春

唐書狄仁傑封梁公此借用指韶州白樂天吳郡詩石記云韋在此州歌詩甚多有郡宴詩云兵衛森畫戟燕寢凝清香最為警策今刻此篇於石傳貽將來因以予旬宴一章亦附於後杜子美秋明府詩梁公曾孫我姨弟不見十年官濟濟

次韻韶倅李通直二首



詩中悵悵  
多更痛

一篇瀧吏可書紳莫向長沮更問津老去常憂伴新鬼  
歸來且喜是陳人曾陪令尹蒼髯古又見郎君白髮新  
回首天涯一惆悵卻登梅嶺望楓宸

韓退之瀧吏詩有云往問龍頭吏潮州尚幾里瀧吏垂首笑官何問之愚視大瓶  
甕小所任自有宜官何不自量滿溢以取斯不知官在朝有益國家不得無氣其  
間不武亦不文仁義飾其躬乃每敗羣倫叩頭謝吏言始慙今更羞云云大指皆  
嘲憤之詞也左傳文二年夏父弗忌為宗伯尊僖公且明見曰吾見新鬼大故鬼  
小嶺南錄梅嶺即大庾嶺  
上多梅樹或云梅福隱處

青山祇在古城隅萬里歸來卜築初會見四山朝鶴駕  
更看二李跨鯨魚欲從抱朴傳家學應怪中郎得異書

待我丹成馭風去借君瓊珮與霞裾

公自注僕昔為開封幕先  
公為赤令暇日相與論內

外丹且出其丹示僕今三十年而見君曲江同遊南華伯

山水間數日道舊感歎且勸我卜居於新故詩中皆及之



世先生曰子... 居... 之計云云是  
青山當指舒州但四山未詳其名其一姑志龍眠山在桐城縣又舒州有舒山左  
慈修煉處此山天柱山道書稱司玄洞天漢武帝嘗封於此以代南岳  
或即指此數山也詩國風原玉瓊瑤韓退之詩乞若飛泉與惠我高顯頌

狄韶州煮蔓菁蘆服羹

我昔在田間寒庖有珍烹常支折腳鼎自煮花蔓菁中  
年失此味想像如隔世誰知南岳老解作東坡羹中有  
蘆服根尚含曉露清勿語貴公子從渠嗜羶腥

周易鼎折足覆公餗劉禹錫嘉話諸葛亮所止令兵士掘種蔓菁取此纔出甲可  
生啖一也葉舒可者食二也久居則隨以滋長三也葉不令惜四也同即易毒而  
採五也冬有根可食六也今蜀人呼為諸葛菜唐本草蔓菁即蘆服也陶弘景別  
錄蘆服根可食葉不中啖陸佃埤雅菜服能制麪毒凡菜年之所服故名按蔓菁  
蘆服諸家皆作二物惟陸機草中魚疏葉是蔓菁根是蘆服則一物矣  
先生似亦從陸說東坡羹頌見先生文集又中又有玉慘羹詩見補遺卷

李伯時畫其弟亮功舊隱宅圖



樂天蚤退今安有摩詰長閒古亦無五畝自栽池上竹  
十年空看輞川圖近聞陶令開三徑應許揚雄寄一區  
晚歲與君同活計如雲鵝鴨散平湖

白樂天池上篇十畝之宅五畝之園有水一池有竹千竿唐書王維字摩詰別墅在輞川有華子岡竹里館茱萸泝辛夷塢陶淵明歸去來詞三徑就荒漢書揚雄傳處岷山之陽曰邛有田一廛有宅一區杜子美詩房相西池鵝一羣眠沙泛蒲白於雲

贈龍光長老

舊傳先生詩本題云東坡居士過龍光求大竹作肩輿得兩竿南華珪首座方受請為此山長老乃

畱一偈院中須其至授之以爲他時語錄中第一問

斫得龍光竹兩竿持歸嶺北萬人看竹中一滴曹溪水  
漲起西江十八灘

贈嶺上老人

鶴骨霜髯心已灰  
青松合抱手親栽  
問翁大庾嶺頭佳  
曾見南遷幾箇回

贈嶺上梅

梅花開盡百花開  
過盡行人君不來  
不趁青梅嘗煮酒  
要看細雨熟黃梅

盧仝詩  
鶯花爛熳君不來及至君來花已老  
杜子美詩  
南京犀浦道四月熟黃梅

予昔過嶺而南題詩龍泉鐘上  
今復過而北次

前韻

按卽前過大庾嶺詩

秋風卷黃落  
朝雨洗綠淨  
人貪歸路好  
節近中原正  
下嶺獨徐行  
艱嶮未敢忘  
遙知叔孫子  
已致魯諸生



月令季冬之月草木黃落漢武帝秋風辭草木黃落兮鴈南飛漢書叔孫通爲博士說上曰臣願徵魯諸生與臣弟子共起朝儀於是通使徵魯諸生三十餘人魯有兩生不肯行云云通笑曰若真鄙儒不知時變遂與所徵三十人西按陸游序云建中初韓曾二相得政盡收用元祐人其不召者亦補大藩惟東坡兄弟猶領宮祠末句蓋寓所謂不能致者二人意深而語緩

過嶺二首

暫著南冠不到頭卻隨北鴈與歸休平生不作兔三窟  
今古何殊貉一丘當日無人送臨賀至今有廟祀潮州  
劍關西望七千里乘興真爲玉局游

柳子厚六言詩一生判卻歸休爲著南冠不到頭唐書楊憑貶臨賀尉姻友憚往獨徐晦至藍田慰餞李夷簡表爲監察御史曰君不負楊臨賀負國乎韓退之謫潮州潮人爲之立廟先生集中有廟碑

七年來往我何堪又試曹溪一勺甘夢裏似曾遷海外

醉中不覺到江南  
波生濯足鳴空澗  
霧繞征衣滴翠嵐  
誰遣山鷄忽驚起  
半崑花雨落毵毵

醉中不覺到江南波生濯足鳴空澗霧繞征衣滴翠嵐  
誰遣山鷄忽驚起半崑花雨落毵毵

按年譜公以紹聖元年自定州貶惠州凡四年有貶磨耳  
明年改元元符至三年乃量移廉州凡七年江南謂虔州

### 留題顯聖寺

渺渺疎林集晚鴉孤村煙火梵王家幽人自種千頭橘  
遠客來尋百結花浮石已乾霜後水焦坑閑試雨前茶  
祇疑歸夢西南去翠竹江村遶白沙

首楞嚴經阿難白佛言世尊此寶鼎華緝續成巾雖本一體如我思惟  
如來一綰得一結名若百結成終名百結又江南人謂丁香爲百結

予初謫嶺南過田氏水閣東南一峰豐下銳上  
里人謂鷄籠山予更名獨秀峰今復過之戲畱



一絕

倚天巉絕玉浮屠，  
肯與彭郎作小姑。  
獨秀江南知有意，  
要三三別四三壺。

韓退之詩倚天更覺青巉巖李太白詩青冥皖公山巉絕可人意同安志小孤山在宿松縣東南一百二十里又江州有澎浪磯語轉為彭郎磯遂有小姑嫁彭郎之語互見十五卷李思訓長江絕島圖詩注一統志大別山在漢陽府城北小別山在漢川王子年拾遺記海中三壺一曰方壺則方丈也二曰蓬壺則蓬萊也三曰瀛壺則瀛洲也此三山上廣中狹下方皆如工製猶華山之似削成列子渤海之東有大壑焉其中有山一曰岱輿二曰圓嶠三曰方壺云云按詩意則本前說也

乞數珠贈南禪湜老

從君覓數珠，老境仗消遣。  
未能轉千佛，且從千佛轉。  
儒生推變化，乾策數大衍。  
道士守玄牝，龍虎看舒卷。  
我老安能為萬劫，付一喘嘿坐閱塵界往來八十反。  
一作區區

我所見之靈在蘭適從海上回蓬萊又清溪

法華經及三千部六祖謂之曰心迷者謂之迷悟者謂之悟  
大衍之數五十其用四十有九又曰凡天地之數五十有五此所以成變化而  
行鬼神也金晶論夫龍虎金木也金為虎木為龍虎之異名也金木水火土  
異名異秉木火也楞嚴經心能記憶八萬四千洹河沙劫周徧了知得無是哉

### 鬱孤臺

公自注再游  
虔州和前韻

吾生如寄耳嶺外亦閒游贛石三百里寒江尺五流楚  
山微有霰越瘴久無秋望斷橫雲嶠翬飛咤雪洲曉鐘  
時出寺暮鼓各鳴樓歸路迷千嶂勞生閱百州不隨猿  
鶴化甘作賈胡畱祇有貂裘在猶堪買釣舟

孟浩然詩贛石三百里沿江千嶂間李肇國史補蜀之二峽昭康之贛石皆險絕  
之所爾雅山狹而長曰嶠王注積雲嶠指五嶺咤雪洲謂瓊崖儋萬四州南越地  
炎瘴而無雪有雪則以為咤抱朴子周穆王南征久而不歸一軍  
皆化君子為猿為鶴小人為虫為沙賈胡畱後漢馬援事注已見



虔守霍大夫監郡許朝奉見和此詩復次前韻  
大邦安靜治小院得閒遊贛水雨已漲廉泉春未流同  
烹貢茗雪一洗瘴茅秋秋思生萼繪寒衣待橘洲揚雄  
未有宅王粲且登樓老景無多日歸心夢幾州敢因逃  
酒去端爲和詩畱舊篋藏新語清風自滿舟

贈虔州術士謝晉臣

屬國新從海外歸君平且莫下簾帷前生恐是盧行者  
後學過呼韓退之死後人傳戒定慧生時宿直斗牛箕  
憑君爲算行年看便數生時到死時

領聯已見三十六卷答周循州詩惟自字今作恐字韓退之詩我生之辰月宿南  
斗牛奮其角箕張其口樊注蘇內翰云吾生平遭口語無數蓋生時與退之相以

吾命宮在斗牛間  
而身宮亦在箕

虔州景德寺榮師湛然堂

卓然精明念不起兀然灰槁照不滅方定之時慧在定  
定慧照寂非兩法妙湛總持不動尊默然真入不二門  
語息則默非對語此話要將周易論諸方人人把雷電  
不容細看真頭面欲知妙湛與總持更問江東三語掾  
楞嚴經攝心爲戒因戒生定因定發慧是則名爲三無漏學入淨極光通達寂照  
含虛空又妙湛總持不動尊首楞嚴王世希有周易復卦注凡動息則靜靜非對  
動者也語息則默  
默非對語者也

次陽行先

公自注用  
鬱孤臺韻

室空惟法喜心定有天游摩詰元無病須洎不入流苦



嫌尋直枉坐待寸田秋雖未麒麟閣已逃鸚鵡洲酒醒  
風動竹夢斷月窺樓衆謂元德秀自稱陽道州拔葵終  
相魯辟穀會封畱用舍俱無礙飄然不繫舟

金剛經須陀洹名爲入流而實無所入漢書蘇武傳甘露三年單于入朝帝思股肱  
之良乃圖畫其人於麒麟閣與地志鸚鵡洲在武昌府城南卽黃祖殺禰衡處

再用數珠韻贈湜老

嗣宗雖不言叔寶猶理遣東坡但熟睡一夕一展轉南  
遷昔虞翻卻掃今馮衍古佛旣手提諸方皆席卷當年  
清隱老鶴瘦龜不喘和我彈丸詩百發亦百反耆年日  
彫喪但有犢角繭時來窺方丈共笑虎毛淺

傳燈錄手提諸佛直見本來面目諸方尊宿無能出其右又百丈禪師侍馬祖言  
下省悟次日馬祖陞座衆纔集百丈出卷卻席祖便下座有樂天贈王山人詩夜

後不開龜時見其長也  
切毛謂之就注切漢也疏淺毛者別名也

### 和猶子遲贈孫志舉

軒裳大爐鞴陶冶一世  
人從橫落模範誰復甘  
飢貧可憐方回癡初不疑  
嘉賓頗念懷祖黠瞋兒與  
兵姻失身墮浩渺投老無  
涯垠回看十年舊誰似數  
子真孫郎表獨立霜戟交  
重闔深居不汝覲豈問親  
與鄰連枝皆秀傑英氣推  
伯仁我從海外歸喜及崆峒  
春新年得異書西郭有逸  
民公自注陽行先以登真隱訣見借小孫又過我歡若平生  
親清詩五百言句句皆絕倫  
養火雖未伏要是丹砂銀  
我家六男子朴學非時新  
詩詞各璀璨老語徒周諄  
願言敦宿



好永與竹林均六子豈可忘從我屢厄陳

莊子大宗師今一以天地為大鑪以造化為大冶楊子師者令模範也以木曰模以竹曰範晉書郝愔傳字方回超字嘉賓超實黨桓氏以愔忠於王室不令知之將亡出一箱付門生曰我亡後公若大損眠食可呈此箱及超死愔果哀悼成疾門生依言呈之悉與溫往反密計愔於是大怒曰小子死恨晚矣又王述傳字懷祖子坦之為桓溫長史溫欲為子求婚於坦之及還家省父而述愛坦之雖長大猶抱置膝上坦之因言溫意述大怒遽排下曰汝竟癡耶詎可畏溫面而以女妻兵也晉書周俊傳三子顗嵩謨顗別有傳伯仁顗字登真隱訣梁貞白先生所述抱朴子丹砂燒之成水銀積變又還成丹砂故能令人長生大洞鍊真寶經將丹砂修煉伏火後鼓成白銀名之為一返也將白銀化出砂令伏火鼓之乃成黃銀名之為二返也六男子謂邁迨過遲迺傳襄三十一年穆叔曰趙孟年未盈五十而諄諄焉如八九十者陶詩詩書敦宿好

南禪長老和詩不已故作六蟲篇答之

鳳皇覽德輝遠引不待遣鷦鷯戀庭宇倏忽來千轉那將坐井蛙而比談天衍蠹魚著文字槁死猶遭卷老牛

疲耕作見月亦妄喘東坡方三問南禪已五反老人但  
目擊侍者應足繭最後六蟲篇深寄恨語淺

賈誼弔屈原賦鳳皇翔於千仞今覽德輝而下之莊子山木篇鳥莫知於鴝鵒注  
鴝鵒燕也韓退之詩何殊蠹書虫生死文字間風俗通吳牛望月而先喘又繭奮  
語載世說已見淮南子楚王欲攻宋墨子聞之自魯而趨十日十  
夜足重繭而不休息至於郢見楚王杜子美詩足繭荒山轉愁寂

明日南禪和詩不到故重賦數珠篇以督之二

首

未來不可招已過那容遣中間見在心一一風輪轉自  
從一生二巧歷莫能衍不如袖手坐六用都懷卷風雷  
生謦欬萬竅自號喘詩人思無邪孟子內自反大珠分  
一月細綆合兩繭纍然挂禪牀妙用夫豈淺



金剛經過去心不可得見在心不可得未來心不可得楞嚴經覺明空昧相待成搖故有風輪執持世界莊子齊物論一與言爲二二與一爲三自此以往巧歷不能得而況其凡乎六用注已見

朝來取飯化乃是維摩遣全鋒雖未露半藏已曾轉說  
有陋裴顧談無笑王衍看經聊爾耳遮眼初不卷三咤  
故自醒一呷何由喘請歸視故櫝靜夜珠當反安居三  
十年古衲磨山繭持珠尚嘿坐豈是功用淺

傳燈錄羅山示衆云全鋒敵勝罕遇知音同死同生萬中無二又僧問大茅和尚  
如何是大茅境界師云不露鋒僧云何爲不露鋒師云無當者又有一媪令人詣  
趙州求轉藏經趙州卻下禪牀轉一帊乃曰轉藏經已竟其人回舉似溫媪曰比  
來請轉全藏如何祇爲轉半藏晉書裴頠傳頠深患王衍之徒聲譽太盛位高勢  
重不以物務自嬰遂相倣倣風教陵遲乃著崇有論以釋其蔽晉書王衍傳魏正  
始中何晏王弼等祖述老莊立論以爲天地萬物皆以無爲爲本無也者開物成  
務無往不存者也衍甚重之惟裴頠以爲非著論以譏之而衍處之自若傳燈錄  
藥山看經曰且圖遮眼再見尚書頠命王宿三祭三咤注云至齒而不飲曰咤

王鄭人買置而還其珠此可謂善賣積矣未可謂善蓄珠也

用前韻再和霍大夫

前和湯行先韻

文字先生飲

公自注謂劉執中

江山清獻遊典刑傳父老尊俎繼

風流度嶺逢梅雨還家指麥秋自慙鴻鴈侶爭集稻粱洲野闊橫雙練城堅聳百樓行看鳳尾詔卻下虎頭州君意已吳越我行無去畱歸途應食粥乞米使君舟

王注清獻趙閱道也劉趙二公皆知虔州廣絕交論分鴈鷺稻粱俱可戀飛去復飛還王注雙練謂章貢二水後漢公孫瓚傳云其法百樓不攻紀聞譚晉元帝踐祚凡諸侯奏批之曰諾而草書若字之尾如鳳形故謂之鳳尾詔松陵集皮陸詩君批鳳尾詔我住虎頭巖虎頭謂虔州也

用前韻再和許朝奉

高門元世舊客路晚追遊清絕聞詩語疏通豈法流傳



家有衣鉢斷獄盡春秋邂逅陪車馬尋芳謝朓洲淒涼  
望鄉國得句仲宣樓恨賦投湘水悲歌祀柳州何如五  
字律相與一尊雷更約登塵外歸時月滿舟

漢藝文志法家者流蓋出於理官斷獄如雋不疑引春秋蒯瞶斷庚太子事見漢書本傳謝朓詩芳洲採杜若白氏金針梁元帝詩云朝出屠羊縣夕返仲宣樓凡詩四句以第一句對三句以第二句對四句謂之扇對又梅聖俞續金針引前人詩云昔時花下雷連飲暖日天桃鶯亂啼今日江邊容易別淡煙衰草馬頻嘶以證其格今此兩聯即其格也塵外亭名在虔州公有詩見三十  
五卷傳燈錄慧禪師唱曰夜靜水寒魚不食滿船空載月明歸

用前韻再和孫志舉

人衆者勝天天定亦勝人鄧通豈不富郭解安得貧驚  
飛賀厦燕走散入幕賓醉眠中山酒結夢南柯姻寵辱  
能幾何悲歡浩無垠回視人間世了無一事真灑掃古

玉局香火通帝闈我室思無邪我堂德有鄰所至爲鄉  
里事賢友其仁之子富經術蔚如井大春蛇蠃楚南極  
淑氣生此民唱高和自寡非我誰當親譬彼解谷竹翦  
裁待伶倫俗學吁可鄙紙繒配芻銀聊將調癡鬼亦復  
爭華新願子事篤實浮言掃謔諄窮通付造物得喪理  
本均期子如太倉會當發陳陳

漢書佞幸傳文帝使善相人者相鄧通曰當貧餓死上曰能富通者在我何說貧  
於是賜通蜀嚴道銅山得自鑄錢鄧氏錢布天下漢書游俠傳武帝徙豪右茂陵  
郭解貧不中徙吏恐不敢不徙衛將軍爲言郭解家貧不中徙上曰郭解布衣權  
至使將軍此其家不貧淮南子湯沐具而蠅虱相弔大厦成而燕雀來賀互見前  
思無邪先生齋名韓退之詩我來亦已辛事賢友其仁東漢井丹字大春深於經  
術再見韓送廖道士序彬之爲州又當中州清淑之氣蛇蠃扶輿磅礴而鬱積意  
必有魁奇忠信材德之民生其間王注紙繒芻銀  
喻俗學之無實謔音占字出素問病而狂言也



崔文學甲攜文見過蕭然有出塵之姿問之則  
孫介夫之甥也故復用前韻賦一篇示志舉

象服盛簪珥豈是邢夫人敝衣破冠履可憐范叔貧君

看崔員外晚就觀國賓當年頗赫赫翁嫗爭爲姻

公自注見退之

贈崔員外詩

蹭蹬阻風水橫斜挂邊垠青衫映白髮今似梅子

真道存百無害甘守吳市闥自言總角歲慈母爲擇鄰

邦人驚似舅矯矯惡不仁詩文非他師家法乃富春豈

非空同秀爲國產雋民挺然齊魯生近出姬姜親爲文

不在多一頌了伯倫清詩要鍛

一作淘

煉乃得鉛中銀自我

遷嶺外七見槐火新著書已絕筆一嘿含千諄蕡桴和

天節非人均時時自娛嬉豈為俗子陳

人第第十四卷美琴賦詩注杜子美詩甫昔少年日早充冠蓋之選之  
之詩老婦願嫁女約不食財貨老婦不重分月其元者同無忌得  
和立聞義軍起大懼曰劉裕勇冠三軍當今無敵劉毅家無備而之  
百萬何無忌劉牢之之甥酷似其勇其舉大事何謂無外乎劉毅家  
當周意文翰惟著酒德頌一篇管子上有鉛下有銀錢頌入草圖經  
銅相雜上人采得以鉛冉三煎鍊方成又鉛銀最難得今時燒鍊家  
得一二銖周禮司鑄掌行火之政令四時變國火汁春取榆柳夏取  
桑秋取柞櫨冬取槐檀也杜子美詩九鑽巴巖火先生用其意蓋紀  
責梓十鼓筆繁  
伊耆氏之樂也

畫車二首

何人畫此隻一作輪車便是當年欹器圖上易下難須審

細左提右挈免踈虞

公羊傳晉人敗秦師於殽匹馬隻輪無反者家語孔子觀於魯桓公之廟有欹器焉問守廟者此何器對曰此蓋宥坐之器孔子曰吾聞宥坐之器虛則欹中則正



滿則覆明君以爲至誠漢書張耳傳所養卒說燕曰夫以一趙尚易燕況以兩賢王左提右挈而責殺王滅燕易矣

九衢歌舞頌王明誰惻寒泉獨自清賴有千車能散福  
化爲膏雨滿重城

虔州呂倚承事年八十三讀書作詩不已好收

古今帖貧甚至食不足

潘子真詩話補遺呂倚夢得維揚人少有場屋聲善屬對喜收書畫

踴躍不偶老始以恩補虔州瑞金簿致仕貧無以歸年八十餘惟有一女嫁贛人因居焉與王禹玉有舊元豐間餉錢二萬酒十壺夢得作啟致謝隔句中用白水真人青州從事爲對禹玉極嘆賞之其後東坡過虔以詩遺之云

揚雄老無子馮衍終不遇不識孔方兄但有靈照女家  
藏古今帖墨色照箱篋飢來據空案一字不堪煮枯腸  
五千卷磊落相撐拄吟爲蜩蛩聲時有鳥可句爲語里

長者德齒敬已古如翁有幾人薄少可時助

韓退之贈盧仝詩俸錢供給  
公私餘貲致薄少助祭祀

王子直去歲送子由北歸往返自舍今又相逢

贛上戲用舊韻作詩留別

先生有贈王子直詩  
才詩見三十五卷

米盡無人典破裘送行萬里一鄒游解舟又欲攜君去  
歸舍聊須與婦謀聞道年來丹伏火不愁老去雪蒙頭  
剩買山田添鶴口廟堂新拜富民侯

顏魯公與蔡明遠帖云聞鄒游與明遠同來欲求石詩其不久  
亦合及吾於淮泗之間魏野問君詩成家書滿室添口鶴生孫

次韻江晦叔二首

人老家何在龍眠雨未驚酒船回太白樺子候淵明幸



與登仙郭同依坐嘯成小樓看月上劇飲到參橫

鐘鼓江南岸歸來夢自驚浮雲世事改孤月此心明雨

已傾盆落詩仍翻水成二江爭送客木杪看橋橫

次韻江晦叔兼呈器之

劉安世字器之終於寶文閣待制學者號曰元城先生

橫空初不跨鵬鰲但覺胡牀步步高

公自注器之言嘗夢飛自覺身與坐牀皆在空中

枕畫眠春有夢扁舟夜渡海無濤歸來又見顛茶陸

公自注

在錢塘嘗語晦叔陸羽茶顛君亦然

多病仍逢止酒陶

公自注陶淵明有止酒詩器之小時飲量無敵今不復飲矣

笑

說南荒底處所祇今榕葉下庭臯

王注先生渡江北還以三更發瓊州晚到滬角場元城先生語錄某初到南方有一高僧教某南方地熱而酒性亦熱今嶺南煙瘴之地更加以酒必大發疾故某

過嶺即合家斷酒雖徧歷水土惡弱他人必死之地某合家十口皆無恙今北歸已十年矣無一患瘴者此其效也

寒食與器之游南塔寺寂照堂

城南鐘鼓闌清新端為投荒洗瘴塵總是鏡空堂上客  
誰為寂照境中人紅英掃地風驚曉綠葉成陰雨洗春  
記取明年作寒食杏花曾與此翁鄰

先生和聰上人詩一語歸空室始知同淨智經湛然寂照境退之會化  
詩居鄰北郭古寺空杏花兩林能白紅明年更發應更好道人莫忘鄰家翁

器之好譚禪不喜游山山中笋出戲語器之可

同參玉版長老冷齋夜話先生邀器之食笋味勝問此何名東坡曰即玉版也此老師善說法器之乃轉其為

戲坡公大笑  
作偈云云

叢林真百丈法嗣有橫枝公自注玉版橫枝竹筍也不怕石頭路來參玉

版師聊憑柏樹子與問籜龍兒瓦礫猶能說此君那不



知

釋氏要覽梵語貧波此云叢林傳燈錄洪州白丈山懷海禪師所居處巖巖峻極故號曰百丈又黃梅謂道信師曰和尚他後橫出一枝佛法禪家旁出者謂之橫枝前燕錄石季龍使人采藥上華山得王版先生詩則借以喻筌也莊子道在瓦礫傳燈錄有僧問如何是佛文殊答云牆壁瓦礫而猶能說之此君竹也用王子猷語

屢見

永和清都觀道士童顏鬢髮問其年生於丙子  
蓋與予同求此詩

鏡湖勅賜老江東未似西歸玉局翁  
羈枕未容春夢斷清都宛在默存中  
每逢佳境攜兒去試問行年與我同

自笑餘生消底物半篙清漲百灘空

公自注予與劉器之同發虔州江水忽清漲丈餘頓

石二百里無一見者至永和器之  
解舟先去了獨遊清都作此詩

贈詩僧道通

雄豪而妙苦而腴祇有琴聰與蜜殊

公自注錢唐僧思聰總角善琴後捨琴而學詩復弄

詩而學道其詩似皎然而加雄放安州僧仲殊詩敏捷立成而工妙絕人殊辟穀常啖蜜語帶烟霞從古少

公目注李太白

云他人之文如山無烟霞春無草木

氣含蔬筍到公無

公自注謂無蔬筍氣也

香林乍喜聞簷

蔔古井惟慙斷轆轤為報韓公莫輕許從今鳥可是詩

奴

劉禹錫答柳子厚書新文吟而繹之韻其詞甚約而味大淵然以長端而曼苦而腴

張競辰永康所居萬卷堂

注張競辰也

君家四壁如相如卷藏天祿吞石渠豈惟鄴侯三萬軸  
家有世南行祕書兒童拍手笑何事笑人空腹談經義



未許中郎得異書且與揚雄說奇字清江縈出碧玉環  
下有老龍千古閒知君好事家有酒化爲老人夜扣關  
畱侯之孫書滿腹玉函寶方何用讀濠梁空復五車多  
圯上從來一編一作篇足

國朝雜事唐太宗出幸有司請載書以從帝曰不須虞世南在此行祕書也

劉壯輿長官是是堂

閒燕言仁義是非安可無非非義之屬是是仁之徒非  
非近乎訕是是近乎諛當爲感麟翁善惡分鎔銖抑爲  
阮嗣宗臧否兩含糊劉君有家學三世道益孤陳古以  
刺今紬史行天誅皎皎大明鏡百陋逢一姝鶚立時四

仙傳山後率狐作堂名是是自說行坦途孜孜稱善人  
不夢自遠徂願君置座右此語出所謨

英臺上相與言仁義於開禧歐陽永叔非其常說是是近于論非其近于論不幸  
而遇寧公無福先生用其說後為二句指仲尼作春秋韓退之詩近來自謂  
坦途左傳宣十六年羊舌肸曰吾聞之而  
稱善人不善人遠後漢崔瑗有座右銘

予昔作壺中九華詩其後八年復過湖口則石  
已為好事者取去乃和前韻以自解云

江邊陣馬走干峰問訊方知冀北空尤物已隨清夢斷

公自注劉夢得以九  
華為造物一尤物真形猶在畫圖中公自注道藏有  
五岳真形圖歸來晚歲同

元亮卻掃何人伴敬通賴有銅盆修石供仇池玉色自

璵公自注家有銅盆貯仇池石正綠色有洞水達  
背予又嘗以怪石供佛印師作怪石供一篇



次韻郭功甫二首

功甫觀先生書雪雀有感作詩寄惠州云平生才力信瑰奇今在窮荒豈易歸正似

雪林枝上書羽翰雖好不能飛後先生北歸又用前韻寄詩云秋霜春雨不同時萬里今從海外歸已出網羅毛羽在卻尋雲跡帖

天飛今次

其韻也

蚤知臭腐卽神奇海北天南總是歸九萬里風安稅駕

雲鵬今悔不卑飛

可憐倦鳥不知時空羨騎鯨得所歸玉局西南天一角

萬人沙苑看孤飛

按年譜元符三年庚辰五月自儋移廉州八月又移永州十一月被命復朝奉郎提舉成都玉局觀沙苑用徐佐卿化鶴事詳見三十七卷新居詩注

次韻法芝舉舊詩一首

春來何處不歸鴻非復羸牛踏舊蹤但願老師真似月

誰家舊裏不相逢

王注建中時國初畫起元祐諸公之發先生亦得請歸常州故以歸鴻起先生  
有詩與法芝云團團如磨牛步步踏陳迹又云老芝如雲月炯炯時一出故今  
爾云

次舊韻贈清涼長老

過淮入洛地多塵舉扇西風欲污人但怪雲山不改色  
豈知江月解分身安心有道年顏好一作少遇物無情句法  
新送我長蘆舟一葉笑看雪浪滿衣巾

傳燈錄僧問龍光和尚賓頭盧一身何爲  
赴四天供師曰于江同一月萬戶盡逢春

睡起聞米元章冒熱到東園送麥門冬飲子

一枕清風直萬錢無人肯買北牕眠開心煖胃門冬飲



知是東坡手自煎

本草別錄麥門冬葉如韭根似麥而有鬚凌冬不凋故又名忍冬

夢中作寄朱行中

舊傳先生本序云前一日夢作此詩寄朱行中覺而記之自不曉所謂謾寫去夢中

分明用此

色紙也

舜不作六器誰知貴與璠哀哉楚狂士抱璞號空山相  
如起睨柱頭壁與俱還何如鄭子產有禮國自閑雖微  
韓宣子鄙夫亦辭環至今不貪寶凜然照塵寰

周禮宗伯以玉作六器以禮天地四方尚書舜典修五禮五玉注五等諸侯所執  
之玉也逸論語璠璠魯之寶玉也孔子曰美哉璠遠而望之煥若也近而視之  
瑟若也春秋陽虎竊寶玉大弓注寶玉即璠璠左傳昭十六年晉韓宣子有環其  
一在鄭商宣子謁諸鄭伯子產弗與曰大國之求無禮以斥之何饜之有韓子買  
諸賈人以告子產曰今吾子以好來辱而謂敝邑強奪商人  
母乃不可乎韓子辭玉曰起不敏敢求玉以徼一罪請辭之

答徑山琳長老

徑山長老與大士維明湖之武康人也至

君家有天人雄雄維摩詰我口含文殊  
千里來問疾若以默相答皆笑出

與君皆丙子各已三萬日一日一千偈電往那容詰大

患緣有身無身則無疾平生笑羅什神呪真浪出

晉書鳩摩羅什傳從師授經日誦千偈注後年請先生生於景祐三年丙子卒  
於常州乃建中靖國元年卒已實二萬三千四百六十日今云三萬日舉成數耳  
老子吾有大患為吾有身若無吾身吾有何患又羅什促來終之日覺四大不愈  
乃日出三番神呪令外國弟子誦之以白晝未及致力助覺危殆於是力疾與眾  
僧告別此詩蓋先生示疾時而和  
琳老者也故用羅什將終時事

施註蘇詩卷之三十九



三

仁壽縣志卷之十  
地理志  
一、山  
二、水  
三、土  
四、物產  
五、風俗  
六、人物  
七、藝文  
八、職官  
九、選舉  
十、雜錄

思絲自良無良俱燕飛平主笑羅十輒四真身出

與我習丙子各日三萬日一日一千卦重卦限容詰大

下里來問寒苦以煙味順霽卦背笑出  
聲寢直天入鉢鉢鉢聲語非口香文極

答鄧山樵

此與東楚間楚詩云禹飛黿蘭刻自對黃龍曰  
登山尋玄鼎男大士餘林賦之五聚入也

施註蘇詩卷之四十

漫堂先生宋

弊

長洲顧嗣立

樸園先生張榕端

閱定

毗陵邵長蘅

刪補

商丘宋至

遺詩二十九首

施註缺  
今補

老翁井

井中老翁悞年華白沙翠石公之家公來無蹤去無迹  
井面團圓水生花翁今與世兩何與無事紛紛驚牧豎  
改顏易服與世同無使世人知有翁

予以事繫御史臺獄獄吏稍見侵自度不能堪



死獄中不得一別子由故作二詩授獄卒梁成  
以遺子由

聖主如天萬物春小臣愚暗自亡身百年未滿先償債  
十口無歸更累人是處青山可埋骨他年夜雨獨傷神  
與君世世爲兄弟又結來生未了因

柏臺霜氣夜淒淒風動琅璫月向低夢遶雲山心似鹿  
魂飛湯火命如鷄眼中犀角真吾子身後牛衣愧老妻  
百歲神遊定何處桐鄉知葬浙江西

公自注獄中聞杭州聞民  
爲余作解厄道場者累月

故有此句

漢書御史府中列柏樹常有野鳥數十棲宿其上因名爲臺又名柏臺杜子  
美詩風動金琅璫犀角字出國語牛衣用王章事桐鄉用未邑事已見

十二月二十八日蒙恩責授檢校水部員外郎  
黃州團練副使復用前韻

百日歸期恰及春餘年樂事最關身出門便旋風吹面  
走馬聯翩鵲啁人卻對酒盃渾是夢試拈詩筆已如神  
此災何必深追咎竊祿從來豈有因

左傳定三年閏曰夷村始旋焉莊注旋小便也韓退之石鼎  
聯句序道士起出戶若得便旋然又詩起居諫議聯翩來

平生文字爲吾累此去聲名不厭低塞上縱歸他日馬

城東不鬪少年雞休官彭澤貧無酒隱几維摩病有妻

堪笑睢陽老從事爲予投檄向江西

公自述子由開子下獄乞以  
官爵贖子罪貶筠州監酒

淮南子近塞上之人其馬亡入胡中人皆弔之其父曰此何詎知不爲福居數月  
其馬將胡駿馬而歸人皆賀之其父曰此何詎不爲禍曹子建詩關雞東郊道唐



東城父老傳明皇好關鷄  
時賈昌為五百小兒長

劉顥宮苑退老於廬山石碑菴顥陝西人本進

士換武家有聲伎

詩缺

西山戲題武昌王居士

并引

予往在武昌九曲西山亭上有題一句玄鴻橫號

黃櫨峴九曲亭即吳王峴山一山皆櫨葉其旁即

元結陂湖也荷花極盛因為對云皓鶴下浴紅荷

湖座客皆笑同請賦此詩

一統志樊山即西山也山有九曲嶺元結寒溪在其下相傳有吳王

避暑宮

江干高居堅關局健耕躬稼角挂經笥竿繫舸菰茭隔

笳鼓過軍鷄狗驚解襟顧景各箕踞擊劍磨歌幾舉觥  
荆筭供膾愧攬聒乾鍋更戛甘瓜蒺

漢兒寬傳寬帶劍而劾唐書李密傳以蒲鞮束牛梓潼書一帳角上行且謂東尤慶  
之詩歸來知鼓聒耳予美詩鼓到如狗耳又漢高祖事在漢書楚元王傳詳見  
十三卷聖子景純詩注按絳字  
係九青韻堂先生偶失檢耶

十二月二十日恭聞太皇太后升遐聖后也以軾罪

人不許承服欲哭則不敢欲泣則不可故作挽

### 詞一章

巍然開濟兩朝勲信矣才難十亂臣原廟故應祠百世  
先王何止活千人和熹未聖猶貪位明德雖賢不及民  
月落風悲天雨泣誰將椽筆寫光塵



杜子美蜀相詩兩朝開濟老臣心論語十亂注其一人燕邑姜也後漢和熹鄧皇后紀和帝崩殤帝生始百日乃迎立之尊后爲太皇太后臨朝及殤帝崩太后定策立安帝猶臨朝政范曄論曰鄧后稱制終身號令自出街謝前政之良身闕明辟之義至使嗣主側目斂衽于虛器直生懷德懸書于象魏借之儀者殆其哉又明德馬皇后紀皇太后曰馬貴人德冠後宮卽其人也遂立爲皇后常衣大練裙不加緣建初元年欲封爵諸舅太后不聽晉書王恂傳夢人以大筆如椽與之既覺語人云此當有大手筆事俄而帝崩哀冊論議皆珣所草老子和其光同其塵王注王立之云此詩蓋未嘗進其後作宣仁挽詞取其兩句云固應祠百世何止活千人

未報山陵國士知遶林松柏已猗猗一聲慟哭猶無所  
萬死酬恩更有時夢裏天衢隘雲仗人閒雨淚變形帷  
關雎卷耳平生事白首繫臣正坐詩

史記刺客列傳豫讓曰知伯以國士遇我我以國士報之毛詩關雎卷耳皆后妃之詩左傳成三年對曰以君之靈羣臣得歸骨于晉

戲足柳公權聯句并引

宋玉對楚王此獨大王之雄風也庶人安得而  
之譏楚王知己而不知人也柳公權小子與文宗  
聯句有美而無箴故爲足成其篇

人皆苦炎熱我愛夏日長薰風自南來殿閣生微涼一  
爲居所移苦樂永相忘願言均此施清陰分四方

戲作賈梁道詩

并引施註目有稿  
紹熙康一題卽此首

王凌謂賈充曰汝非賈梁道之子耶乃欲以國與  
人由是觀之梁道之忠于魏也久矣司馬景王旣  
執凌歸過梁道廟凌大呼曰我亦大魏之忠臣也  
及司馬病見凌與梁道守而殺之二人者可謂忠



義之至精貫于神明矣然梁道之靈獨不能已其  
子充之姦至使首發成濟之事此又理之不可曉  
者也故子戲作小詩云

嵇紹似康爲有子  
郗超叛鑒似無孫  
如今更恨賈梁道  
不殺公閭殺子元

晉書嵇紹傳中散大夫康之子也王師敗績于蕩陰百官及侍衛莫不散潰惟紹  
儼然端冕以身捍衛與交御輦飛箭雨集紹遂被害于帝側而濺御服天子深哀  
歎之及事定左右欲浣衣帝曰此嵇侍中血勿浣也又郗鑒傳與王敦相見鑒曰  
丈夫既繫身北面義全在三豈可偷生屈節顧顏天壤耶敦聞言大忿之及祖約  
蘇峻反鑒設壇場刑白馬大誓三軍三軍爭爲用命圍解進位太尉尋薨卽曰惟  
公忠亮雅正行爲世表社稷之危賴公以寧云云子愔愔子超桓溫辟爲征西大  
將軍掾又轉爲參軍溫懷不軌欲立霸王之基超爲之謀主  
以愔忠于王室不令知之公閭賈充字子元司馬景主字

戲孫公素

披扇當年笑溫嶠握刀晚歲戰劉郎不須戚戚如馮衍  
便與時時說李陽

世說溫嶠下玉鏡臺一牧婢結交以手收粉黛溫掌大笑曰我固疑  
是老奴果如所卜三國志法正傳云法正與諸兄之風侍  
婢百餘人皆親執刀侍立先主每入堂心常懷懼法正曰  
行作書與其兄遂逐之世說王夫山陽人其妻不悅而  
禁時其鄉人幽州刺史李陽京師大俠郭氏聞之來  
之乃曰非但我言卿不可李陽亦謂卿不可郭氏爲之小損

趙成伯家有麗人僕忝鄉人不肖開樽徒吟春

雪美句次韻一笑

繡簾朱戶未曾開誰見梅花落鏡臺試問高吟三十韻

何如低唱兩三杯

公自注世言檢死秀才衣帶上有雪詩三十韻又云陶  
穀學士嘗得竟太尉家妓遇雪陶收雪水烹團茶謂妓

曰黨家應不識此妓曰彼麗人安得此但能於銷  
金暖帳中淺斟低唱喫羊羔兒酒陶默然應其言莫言衰鬢聊相映須



得纖腰與共回知道文君隔青瑣梁園賦客官言才

自公

注聊答來句義取婦人而已罪過罪過

文君司馬相如妻見本傳世說韓壽美姿容賈充女於青瑣牕中看見壽說之謝惠連雪賦梁王不悅遊於兔園名鄒生延枚叟相如末至居客之右

### 送南屏謙師

并序

南屏謙師妙於茶事自云得之於心應之於手非  
可以言傳學到者十二月二十七日聞軾遊壽星  
遠來設茶作此詩贈之

道人曉出南屏山來試點茶三昧手忽驚午夢兔毛斑  
打作春鑿鵝兒酒天台乳花世不見玉川風腋今安有  
先生有意續茶經會使老謙名不朽

按第六卷元牛月及華詩云中有此語下及白乳毛狀如白乳此乳也  
驚兄黃似酒天台記丹丘出大茗服之生一乳不飲則雲脚漸垂乳花行而又茶  
有石乳滴乳  
白乳之號

虛飄飄三首

虛飄飄畫簷蛛結網銀漢鵲成橋塵漬雨桐葉霜飛風  
柳條露凝殘點見紅日星曳餘光橫碧霄虛飄飄比浮  
名利猶堅牢

淮伯子烏鵲填河  
成橋而渡織女

虛飄飄花飛不到地虹起謾成橋入夢雲千疊游空絲  
萬條蜃樓百尺橫蒼海鴈字一行書絳霄虛飄飄比人  
身世猶堅牢



史記天官書海  
旁蜃氣象樓臺

虛飄飄風寒吹絮浪春水暖冰橋勢緩  
音垂線聲乾  
葉下條雨中溫點隨流水風裏綵雲橫  
碧霄虛飄飄比

時富貴猶堅牢

字彙覆雨說溫點水中小泡楞嚴經云如湛巨海流一浮漚  
起滅無從自樂天詩大都好物不堅牢綵雲易散琉璃脆

劉監倉家煎米粉作餅子余云爲甚酥潘邠老  
家造逡巡酒余飲之云莫作醋錯著水來否後  
數日余攜家飲郊外因作小詩戲劉公求之

野飲花間百物無杖頭惟挂一葫蘆已傾潘子錯著水  
更覓君家爲甚酥

贈包安靜先生二首

皓色生甌面堪稱雪見羞東坡調詩腹今夜睡應休

自公

注偶謁大中精藍中故人烹

日注茶果不虛故詩以記之

五代劉鄩有妾名花見

羞雪見羞三字本此

建茶三十片不審味如何奉贈包居士僧房戰睡魔

自公

注昨日點日注極佳點此復云

離中餘者可示及舟中滌神耳

本經歷代貢茶皆以建寧爲上國史補建州有先春龍焙

茶錄退人以鬪茶爲茗戰胡嶠茶詩破睡當封不夜侯

元祐元年二月八日朝退獨在起居院讀漢書

儒林傳感申公故事作小詩一絕

寂寞申公謝客時自言已見穆生幾綰臧下吏明堂廢



又作龍鍾病免歸

漢書儒林傳申公魯人也少與楚元王交俱事齊人浮丘伯在長安元王遣子郢與申公俱卒業元王薨郢嗣立爲楚王令申公傳太子戊戊不好學病申公及戊立爲王胥靡申公申公薨之歸魯退居家教終身不出門復謝賓客蘭陵王臧及代趙綰皆從受詩綰臧請立明堂以朝諸侯不能就其事乃言師申公於是上使使東帛加璧安車以蒲裹輪駕駟迎申公至見上上問治亂之事申公時已八十餘老對曰爲治不在多言顧力行何如耳上默然時竇太后喜老子言不悅儒術得綰臧之過以讓上上因廢明堂事下綰臧吏皆自殺申公亦病免歸數年卒穆生事已見十五卷次韻潛師放魚詩注

初貶英州贈馬夢得

萬古仇池穴歸心負雪堂殷勤竹裏夢猶自數山王

杜子美詩萬古仇池穴潛通小有天雪堂在黃州府治東顏延之詠竹林七賢以山王貴盛黜之乃作五君詠

贈虔州慈雲寺鑒老

居士無塵堪洗沐道人有句借宣揚  
牕閒但見蠅鑽紙

門外惟聞佛放光徧界難藏直薄相一絲不挂且逢場  
卻須重說圓通偈千眼薰籠是法王

蠅頭紙佛放光注已見終不挂實場作戲皆釋宗語釋典普應千手目與一手  
目同又十六則十於浴室體悟本因於薰籠燒浴具得大安樂法王無上  
尊圓覺經說即為法王之王又曰空王

### 洗兒

人皆養子望聰明我被聰明誤一生惟願孩兒愚且魯  
無災無難到公卿

過子忽出新意以山芋作玉糝羹色香味皆奇

絕天上酥陀則不可知人間決無此味也

種白芋真芋連禪紫芋並毒少正可煮啖

之兼肉作羹甚佳蹲鴟之饒蓋謂此也



香似龍涎仍曬白味如牛乳更全清莫將南海金鼈膾  
輕比東坡玉糝羹

香譜龍涎於香品中最貴重出大食國海傍多亦不過數兩上品曰泛水次曰沙維摩經阿難白佛言憶念昔時世尊身病有小疾當用牛乳又杜子美泉眼詩香美勝牛乳金鼈膾注已見

、擷菜 并序

吾借王參軍地種菜不及半畝而吾與過子終年  
飽菜夜半飲醉無以解酒輒擷菜煮之味含土膏  
氣飽風露雖梁肉不能及也人生須底物而更貪  
耶乃作四句

秋來霜露滿東園蘆服生兒芥有孫我與何曾同一飽

不知何苦食鷄豚

晉書何曾傳性豪奢務極華侈口食萬錢猶曰無下箸處

### 食檳榔

月照無枝林夜棟立萬礎眇眇雲間扇蔭此九月暑上有垂房子下繞絳刺禦風欺紫鳳卵雨暗蒼龍乳裂包一墮地還以皮自煮北客初未諳勸食俗難阻中虛畏泄氣始嚼或半吐吸津得微甘著齒隨亦苦面目太嚴冷滋味絕媚嫵誅彭勲可策推轂勇宜賈瘴風作堅頑導利時有補藥儲固可爾果錄詎用許先生失膏梁便腹委敗鼓日啖過一粒腸胃爲所侮蟄雷殷臍腎藪藿



腐亭午書燈看膏盡鉦漏歷歷數老眼怕少睡竟使赤  
背弩渴思梅林燕飢念黃獨舉奈何農經中收此困羈  
旅牛舌不餉人一斛百多與乃知見本偏但可酬惡語

異物志檳榔樹若筍竹生竿近上未五六尺間洪腫起如癰木焉因坼裂出若黍  
秀也無花而爲實大如桃李天生棘重累其下所以禦衛其實也味苦澀剖其上  
皮煮其膚熟而食之堅如乾棗彼方珍之以爲口食糝含南方草木狀交廣人几  
貴勝族客必先呈此果若齏近不設用相嫌恨本草主治消穀逐水除痰癖殺三  
虫宜利臟腑壅滯破胸中氣嶺南人嗽之當果實以祛瘴瘻也一名洗瘴丹按彭  
者三尸之姓彭質彭矯彭居也周成維字檳榔果也似螺可食李當之藥錄檳榔  
一名檳門韓昌黎進學解敗鼓之皮世說魏武行役失汲道軍皆渴乃令曰前有  
大梅林饒子甘酸可以解渴士卒聞之口皆出水乘此得及前源本草拾遺陳藏  
器云黃獨過霜雪枯無苗蓋蹲鴟之類梁劉孝綽誄有人乞牛舌乳不付因餉檳  
榔詩云云宋劉穆之貧時從妻兄江氏乞檳榔江曰檳榔消食君苦飢何須此後  
尹丹陽以金盤  
斛許誇示之

突兀隘空虛他山總不如君看道傍石盡是補天餘

許小雅他山之石可以攻玉則于天亦物也物有不足故借者女媧氏鍊五色之石以補其闕

### 夜坐與邁聯句

清風來無邊明月翳復吐

坡

松聲滿虛空竹影侵半戶

邁

暗枝有驚鵲壞壁鳴飢鼠

坡

露葉耿高梧風螢落空

無微涼感團扇古意歌白紵樂哉今夕游獲此陪杖屨

邁

傳家詩律細已自過宗武短詩膝上成聊以感懷祖

坡

古樂府有白紵辭杜子美詩晚節漸於詩律細又集中有示宗武詩懷祖事屢見

### 曹溪夜觀傳燈錄燈花落一僧字上口占



山堂夜岑寂燈下看傳燈不覺燈花落茶毗一箇僧

釋典天竺第九祖入滅衆以香油旃檀闍維眞體闍維卽茶毗焚燒也

施註蘇詩卷之四十

施註蘇詩卷之四十一

漫堂先生宋

榮

閱定

毗陵邵長蘅

刪補

樸園先生張榕端

商丘宋至

和陶淵明詩引

子由作

東坡先生謫居儋耳寘家羅浮之下獨與幼子過負  
擔度海葺茅竹而居之日啗諸芋而華屋玉食之念  
不存於胸中平生無所嗜好以圖史爲園囿文章爲  
鼓吹至是亦皆罷去猶獨喜爲詩精深華妙不見老  
人衰憊之氣是時輒亦遷海康書來告曰古之詩人



有擬古之作矣未有追和古人者也追和古人則始於東坡吾於詩人無所甚好獨好淵明之詩淵明作詩不多然其詩質而實綺癯而實腴自曹劉鮑謝李杜諸人皆莫及也吾前後和其詩凡一百有九篇至其得意自謂不甚媿淵明今將集而併錄之以遺後之君子其爲我志之然吾於淵明豈獨好其詩也如其爲人實有感焉淵明臨終疏告儼等吾少而窮苦每以家弊東西游走性剛才拙與物多忤自量爲已必貽俗患俛仰辭世使汝等幼而饑寒淵明此語蓋實錄也吾真有此病而不蚤自知平生出仕以犯世

患此所以深愧淵明欲以晚節師範其萬一也嗟乎  
淵明不甯爲五斗米一束帶見鄉里小兒而子瞻出  
仕三十餘年爲獄吏所折困終不能悅以陷大難廼  
欲以桑榆之末景自託於淵明其誰甯信之雖然子  
瞻之仕其出處進退猶可攷也後之君子其必有以  
處之矣孔子曰述而不作信而好古竊比於我老彭  
孟子曰曾子子思同道區區之迹蓋未足以論士也  
轍少而無師子瞻旣冠而學成先君命轍師焉子瞻  
嘗稱轍詩有古人之風自以爲不若也然自斥居東  
坡其學日進沛然如川之方至其詩比李太白杜子





詩註

我生不如陶

一作我不如陶

世事纏綿之云何得一適亦有如生

時

田無荆棘

佳處正在茲縱心與事往所遇無復疑

偶得酒中趣空杯亦常持

二豪詆醉客氣湧胸中山摧然似冰釋亦復在一言齋

氣實其腹云當享長年少飲得徑醉此祕君勿傳

晉劉伶傳為酒之仙曰有貴介公子指紳處士聞吾風聲議其所以先生方捧甕承槽銜杯漱醪無思無慮其樂陶陶兀然而醉慨然而醒二豪侍側焉知螺贏之與螟蛉又互見前江表傳孫權曰朕年六十世事艱難多歷所不嘗近為風子所卻令人氣湧如山老子漢若冰將釋又屈其心言其腹

道喪士失已出語輒不情江左風流人醉中亦求名淵

明獨清真談笑得此生身如受風竹掩冉衆葉驚俯仰

此句以春色未盡  
不雅



各有態得酒詩即成

唐文藝傳胡楚賓屬文

敏甚必酒中然後下筆

此與深淵而息息二  
復丁亥

蠹蠕食葉蟲仰空慕高飛一朝傳兩翅乃得黏網悲唧唧同巢雀沮澤疑可依赴水生兩殼遭閉何時歸二蟲竟誰是一笑百念衰幸此未化閒有酒君莫違

陸龜蒙蠹化橘之蠹大如小指蠶葉如饑蠶之速蛻為胡蝶從其空翅輕瞥然而去須臾犯整網而膠之引絲還纏牢若萃枯禮記季秋之月爵入大水為蛤

小舟真一葉下有暗浪喧夜棹醉中發不知枕几偏天明問前路已度千金山嗟我亦何為此道常往還未來寧蚤計既往復何言

要時任運之意

上之亦色亦多

百年六十化念念竟非是是身如虛空誰受譽與毀得

酒未舉杯喪我固忘爾倒牀自甘寢不擇管與絃

此下言今也  
久之乃知之乎

頃者大雪年海波翻玉英有士常痛飲饑寒見真情牀  
頭有敗絳孤坐時一傾未能平體粟且復澆腸鳴脫衣  
凍酒每醉念此生

此下言外傳雪立閉息頗  
氣鬱溫舒無軀粟已見

我坐華堂上不改麋鹿姿時來蜀岡頭喜見霜松枝心  
知百尺底已結千歲奇煌煌凌霄花纏繞復何爲舉簾  
酌其根無事莫相羈

白集天詩有木名凌霄擢秀非孤標偶依一  
樹相遂抽白尺條託根附樹身開花寄樹梢

桑者澤成  
森之正角



初志約九而終  
初志約九而終

芙蓉在秋水時節自闕開清風亦何意入我芝蘭懷一  
隨採折去永與江湖乖斷絲不復續斗水何足栖不如  
玉井蓮結根天池泥感此每自慰吾事幸不諧醉中有  
歸路了了初不迷乘流且復逝抵曲吾當迴

李白憶舊遊詩秋水出芙蓉天然去雕飾韓退之詩太華峰頭玉井蓮開花十丈  
藕如船再見維摩王高原陸地不生蓮花卑溼淤泥乃生此花漢賈誼傳乘流則  
逝得坎則止

籃輿元醉守路轉古城隅酒力如過雨清風消半途前  
山正可數後騎且勿驅我緣在東南往寄白髮餘遙知  
萬松嶺下有三畝居

民勞吏無德歲美天有道暑雨避麥秋溫風送蠶老三

燕初有聞一漑未濡槁詔書寬積欠父老顏色好再拜  
賀吾君獲此不貪寶頽然笑阮籍醉几書謝表

嵇叔夜養生論為孫於湯世必一漑者後枯再見晉阮籍傳文帝讓九錫公卿將  
勸進使寫為其辭題方據案醉眠使者以告籍便書案使寫之無所改竄互見十  
二卷京師哭任遵聖詩注按元祐七年五月先生守揚州上奏略曰今大姓富家  
為市易所破十無一二其餘小民大率皆有積欠臣親見兩浙京西淮南之民皆  
為積欠所壓日就窮蹙本州於理合放而於條未有明文者且令權住催理聽候  
指揮伏望特留聖意深詔左右大臣早賜果決行下六月十六日又上奏曰今夏  
田一熟民於百死之中微有生意而監司爭言催欠臣敢昧死請內降手詔一應  
淮南東西浙西諸般欠負不問新舊特與權住催理一年此詩所述蓋是得請故也

我夢入小學自謂總角時不謂有白髮猶誦論語辭人  
閒本兒戲顛倒略似茲唯有醉時真空洞了無疑墜車  
終無傷莊叟不吾欺呼兒具紙筆醉語輒錄之

詩國風總角之宴言笑晏晏注云總角結髮也杜子美春  
陵行呼兒具紙筆隱几臨軒楹作詩呻吟內墨淡字欹傾



身如神悅全無事色  
此心至空名名都  
亦有志于似心者  
亦不似

陶名多手本色

醉中雖可樂猶是生滅境云何得此身不醉亦不醒癡  
如景升牛莫保尻與領黠如東郭篋束縛作毛穎廼知  
嵇叔夜非坐虎文炳

晉桓溫傳劉景升有千斤大牛噉芻豆十倍常牛負重致遠曾不若一羸特魏武  
入荊州以享軍士韓退之毛穎傳居東郭者號曰獼蒙將軍拔其毫載穎而歸聚  
其族而加束縛焉晉嵇康傳字叔夜美詞氣有風儀  
而土木形骸不自藻飾後爲鍾會譖於文帝而害之

我家小馮君天性頗醇至清坐不飲酒而能容我醉歸  
休要相依謝病當以次豈知山林士骯髒廼爾貴乞身  
當念蚤過是恐少味

小馮君出漢書馮奉  
世傳詩意謂子由也

去鄉三十年風雨荒舊宅惟存一束書寄食無定迹每



用愧淵明尚取禾三百頎然六男子龐可傳清白於吾  
豈不多何事復歎惜

韓退之示兒詩始我來京師止攜一束書漢楊震傳子孫常蔬食步行或  
今為開產達辰不肖曰使後世稱為清白吏子孫以此遺之不亦厚乎

曉曉六男子弦誦各一經復生五丈夫戢戢丁欲成歸  
田了門戶與國充踐更普兒初學語玉骨開天庭淮老  
如鶴雛破殼已長鳴舉酒屬千里一歡愧凡情

揚子曉曉之學各習其師史記孔子弟子傳商瞿年長無子瞿母請之孔子曰無  
憂瞿年四十後當有五丈夫子唐食貨志凡民始生黃四歲為小十六為中二十  
一為丁六十為老韓退之寄盧仝詩去歲生兒名添丁意令與國充松村漢  
吳王濞傳注服虔曰以當為更卒出錢二百謂之過更自行為卒謂之踐更

淮海雖故楚無復輕揚風齋廚聖賢雜無事時一中誰  
言大道遠正賴三杯通使君不夕坐衙門散刀弓



尚書淮海惟揚州史記貨殖傳自淮以北西楚也其俗剽輕李濟資暇錄揚州者以其土俗輕揚故名其州今作楊柳之楊繆也魏徐邈傳醉客謂酒清者爲人濁者爲賢人屢見

何人築東臺一郡坐可得亭亭古浮圖獨立表衆惑蕪城閱興廢雷塘幾開塞明年起華堂置酒弔亡國無令竹西路歌吹久寂默

釋氏要覽梵語塔婆此云高顯文選鮑昭蕪城賦注云昭見廣陵故城荒蕪乃吳王濞所都也遂爲此賦唐地理志揚州江都縣東十一里有雷塘貞觀十八年長史李襲譽引渠以溉田

鼉子天麒麟結交及未仕高才固難及雅志或類已各懷伯業能共有丘明恥歌呼時就君指我醉鄉里吳公門下客賈誼獨見紀請作鵬鳥賦我亦得坎止行樂當

及時綬髮不可恃

英雄起魏太初稱長大而能勤學者惟吾與  
袁伯業耳山陽太守袁達字伯業見魏武紀

蓋公偶談道齊相獨識真頽然不事事客至先飲醉當  
時劉項罷四海瘡痍新三杯洗戰國一斗消彊秦寂寞  
千載後陽公嗣前塵醉臥客懷中言笑徒多勤我時聞  
舊史獨與三人親未暇餐脫粟苦心學平津草書亦何  
用醉墨淋衣巾一揮三十幅持去聽坐人

漢曹參傳為齊相膠西蓋公為言治道貴清淨而民自定及為相日夜飲酒言談  
欲有言輒飲以醉酒醉而後去終莫得聞說唐陽城傳為諫議大夫日夜臥客  
欲諫止者城揣知其情強飲客客辭即自引溺或先醉臥客懷中漢公孫弘傳為  
丞相封平津侯身食一肉脫粟飯而史齊高帝諸子新浦侯子公孫弘傳為  
人求書曰侍中尺牘之美遠流海外今  
日所求惟在名迹子雲書三十紙與之



歸園田居六首

東坡曾孫叔子名覲刻所藏真迹於泉南舶司開與集本不同當是集本有誤今從石本

三月四日游白水山佛迹巖沐浴於湯泉晞髮於  
懸瀑之下浩歌而歸肩輿卻行以與客言不覺至  
荔支浦上晚日蔥朧竹陰蕭然荔子纍纍如焚實  
矣有父老年八十五指以告余及是可食公能攜  
酒來游乎意欣然許之歸臥既覺聞兒子過誦淵  
明歸園田居詩六首乃悉和一作其韻始余在廣陵  
和淵明飲酒二十首今復爲此要當盡和其詩迺

已耳

一本云今書以寄  
妙總太士參寥子

環州多白水際海皆蒼山以彼無盡景寓我有限年

家著孔丘西家著顏淵市爲不二價農爲不爭田周公  
與管蔡恨不茅三閭我飽一飯足薇蕨補食前門生飽  
薪米收我廚無烟斗酒與隻雞酣歌餞華顛禽魚豈知  
道我適物自閑悠悠未必爾聊樂我所然

魏志邴原別傳嘗游學詣孫松曰君鄉里邴若學者師模也君乃舍之所謂以  
鄭爲東家丘也原曰君謂僕以鄭爲東家丘君以僕爲西家愚夫邪說苑虞人與  
芮人質其成於文王二國相謂讓其所爭以爲閑田宋武二十傳論襄陽龐公謂  
劉表曰若使周公與管蔡處茅屋之下食藜藿之羹豈有若斯之難云云食前用  
孟子食前

方丈字

窮猿旣投林疲馬初解鞅心空飽新得境熟夢餘想江  
鷗稍馴集蜚叟已還往南池綠錢生北嶺紫筍長提壺  
豈解飲好語時見廣春江有佳句我醉墮渺莽



新浴覺身輕  
新沐感髮稀  
風乎懸瀑下  
卻行詠而歸  
仰觀江搖山  
俯見月在衣  
步從父老語  
有約吾敢違

老人八十餘  
不識城市娛  
造物偶遺漏  
同儕盡丘墟  
平生不渡江  
水北有幽居  
手插荔支子  
合抱三百株  
莫言陳家紫  
甘冷恐不如  
君來坐樹下  
飽食攜其餘  
歸舍遺兒子  
懷抱不可虛  
有酒持飲我  
不問錢有無

史記律書文帝時人民樂業自年六七十翁未嘗至市井蔡君謨荔支譜興化軍風俗園池勝處惟種荔支九重陳紫富室大家歲或不嘗雖別品千計不為滿意陳氏欲採摘必先開戶隔牆入錢得者自以為幸不敢較其直之多少也君謨所述閩中諸郡荔子以陳家紫為第一

坐倚朱藤杖  
行歌紫芝曲  
不逢商山翁  
見此野老足  
願同荔支社長  
作鷄黍局教我  
同光塵月固不  
勝燭公自注

月固不勝火象身日大而固不若小而明此其所以不勝火也然卒之火勝即月勝耶  
晦于小月能燭天下而不能燭是燈此其所以不勝火也然卒之火勝即月勝耶  
霜飈散氛祲廓然似朝旭

昔我在廣陵悵望柴桑陌長吟飲酒詩頗獲一笑適當  
時已放浪朝坐夕不夕矧今長閑人一劫展過隙江山  
互隱見出沒為我役斜川追淵明東臯友王績詩成竟  
何為六博本無益

詩小雅邦君諸侯莫言朝夕禮記朝不廢朝夕不廢夕左傳百官承事朝而夕  
唐王績游北山東臯著書自號東臯子宋玉招魂篋藏象其有六博汪云投六著  
行六慕故謂之六博

### 形贈影

天地有常運日月無閑時孰居無事中作止推行之細

本之恨也  
理後言固亦有也



此言多陶宏

此言亦色好

察我與汝相因以成茲忽然乘物化豈與生滅期夢時  
我方寂偃然無所思胡爲有哀樂輒復隨連而我舞汝  
凌亂相應不少疑還將醉時語答我夢中辭

莊子天運篇大其運乎地其處乎日月其爭於所乎  
孰主孰是孰維綱是孰居無事推而行是互見前

影答形

丹青寫君容常恐畫師拙我依月燈出相肖兩奇絕妍  
彫本在君我豈相媚悅君如火上煙火盡君廼別我如  
鏡中像鏡壞我不滅雖云附陰晴了不受寒熱無心但  
因物萬變豈有竭醉醒皆夢耳未用議優劣

圓覺經云寂靜故十方世界諸  
如來心於中顯現如鏡中像

神釋

二子本無我其初因物著豈惟老變衰念念不如故知  
君非金石安足長託附莫從老君言亦莫用佛語仙山  
與佛國終恐無是處甚欲隨陶翁移家酒中住醉醒要  
有盡未易逃諸數平生逐兒戲處處餘作具所至人聚  
觀指日生毀譽如今一弄火好惡都焚去既無負載勞  
又無寇攘懼仲尼晚乃覺天下何思慮

陶淵明飲酒詩一士長獨醉一夫終年醒醒醉還相笑發言各不領奇言酣中  
客日沒燭當炳周易繫辭子曰天下何思何慮天下同歸而殊塗一致而百慮

詠二疏

二疏事漢時迹寓心已去許侯何足道寧識此高趣可



憐魏丞相免冠謝陋舉中興多名臣有道獨兩傳世途  
方轂擊誰有行此路是身如委蛻未蛻何所顧已蛻則  
兩忘身後誰毀譽所以遺子孫買田豈先務我嘗遊東  
海所歷若有素神交久從君屢夢今乃悟淵明作詩意  
妙想非俗慮庶幾二大夫見微而知著

漢疏廣傳東海蘭陵人也地節三年立皇太子廣為太傅兄子受為少傅太子外  
祖平恩侯許伯白使其弟舜監護太子家宣帝以問廣曰不宜獨親外家上善其  
言以語丞相魏相相免冠謝曰此非臣所及莊子知北遊生非汝有是天地之委  
和也性命非汝有是天地之委順也子孫非汝有是天地之委蛻也越絕書子胥  
曰聖人見微知  
著睹始知已

詠三良

子車氏奄息仲行  
鍼虎秦之良臣也

此生太山重忽作鴻毛遺三子死一言所死良已微賢

哉晏平仲事君不以私我豈犬馬哉從君求蓋帷殺身  
固有道大節要不虧君爲社稷死我則同其歸顧命有  
治亂臣子得從違魏顆真孝愛三良安足希仕宦豈不  
榮有時纏憂悲所以靖節翁服此黔婁衣

漢司馬遷傳死有重於太山有輕於鴻毛用之所趣異也禮記仲尼之畜狗死使  
子貢埋之曰敝帷不棄爲埋狗也左傳襄二十五年齊崔杼弑其君光晏子立於  
崔氏之門外曰君爲社稷死則死之爲社稷亡則亡之若爲已死而爲已亡非其  
私暱誰敢任之魏顆從父治命事在左傳宣十五年詳卷四送蔡冠卿詩注陶詠  
貧士詩安貧守賤者自古有黔婁好爵吾不  
縻厚饋吾不酬一口壽命盡弊服仍不周

### 詠荆軻

秦如馬後牛呂氏非復嬴天欲厚其毒假手李客卿功  
成志自滿積惡如陵京滅身會有時徐觀可安行沙丘



一狼狽笑落冠與纓太子不少忍顧非萬人英魏韓裂  
智伯肘足本無聲胡爲棄成謀託國此狂生荆軻不足  
說田子老可驚燕趙多奇士惜哉亦虛名殺父囚其母  
此豈容天庭亡秦只三戶況我數十城漸離雖不傷陞  
戟加周營至今天下人愍燕欲其成廢書一太息可見  
千古情

晉元帝紀初玄石圖有牛繼馬後故宣帝深忌牛氏而以毒酒鴆殺其將牛金而  
恭王妃夏侯氏竟通小吏牛氏而生元帝亦有符云史記秦本紀秦之先柏醫佐  
舜賜姓嬴氏莊襄王爲秦質子於趙見呂不韋姬悅而取之生始皇名爲政姓趙  
氏呂不韋傳不韋取邯鄲諸姬與居知有身以獻秦質子楚生子政立爲王是爲  
始皇帝左傳昭四年司馬侯曰楚王乃後天其或者欲逞其心以厚其毒而降之  
罰史記李斯傳爲秦相呂不韋舍人因以得說秦王拜爲客卿卒用其計謀竟并  
天下詩小雅如同如陵又如坻如京鄭氏云京大也史記秦始皇紀嬴政沙丘平  
臺道高與公子胡亥丞相所詐爲受貴召少工立胡亥爲太子易公子扶蘇死



安仁西征賦云攝太伯其若茲則猶俱而可慰謂始皇也秦世纓素絕史記燕世家秦兵臨易水燕太子丹陰養壯士使荆軻襲刺秦王竟殺軻擊燕斬丹以獻史記魏世家當晉六卿之時知氏最强率韓魏之兵以圍趙襄子於晉陽魏桓子肘韓康子韓康子履魏桓子肘足接於車上而知氏地分身死國亡為天下笑史記荆軻傳田光見荆卿欲自殺以激荆卿因自刎而死呂不韋傳嫪毐事連相國呂不韋出就國不韋自度稍侵見誅乃飲酤而死劉向說苑茅焦對秦始皇帝曰陛下車裂假父有嫉妬之心囊探兩弟有不慈之名遷母貧陽有不孝之行從茂黎於諫士有桀紂之治漢項籍傳秦雖三戶亡秦必楚荆軻傳軻善擊筑者高漸離秦既逐荆軻之客惜其善擊筑重赦之乃矐其目使擊筑漸離乃以鉛置筑中舉筑扑始皇不中遂誅漸離終身不近諸侯之人

### 答龐參軍

周循州彥質在郡二年書問無虛日罷歸過惠為  
余畱半月既別和此詩追送之

我見異人且得異書挾書從人何適不娛羅浮之趾卜  
我新居子非玄德三顧我廬



旨酒荔蕉絕甘分珍雖云晚接數面自親海隅一笑豈  
云無人無酒酤我或乞其鄰

漢司馬遷傳李陵素與士大夫絕甘分少再見陶龐  
參軍詩序諺云數面成親舊況其情過此者乎再見

將行復止眷言孜孜苟有於中傾倒出之奕奕千言粲  
焉陳詩觴行筆落了不容思

卬妙侍側兩髦丫分歌舞壽我永爲歡欣曲終悽然仰  
視浮雲此曲此聲何時復聞

韓退之詩捧書隨諸兄累累角尚  
卬詩國風髣彼兩髦實維我儀

擊鼓其鏜船開艣鳴顧我而言雨泣載零子卿白首當  
還西京遼東萬里亦歸管寧

詩國屋事讀其錄又得雪如西漢蘇武傳子子卿在匈奴十九歲始以強壯出及還鬚髮盡白

感子至意託辭西風吾生一塵寓形空中願言謙亨君子有終功名在子何異我躬

### 貧士

余遷惠州一年衣食漸窘重九俯邇一作樽俎蕭然

乃和淵明貧士七篇以寄許下高安宜興諸子姪并令過同作

長庚與殘月耿耿如相依以我旦暮心惜此須臾暉青  
天無今古誰知織烏飛我欲作九原獨與淵明歸俗子  
不自悼顧憂斯人饑堂堂誰有此千駟良可悲



史記齊世家景公坐栢  
寢歎曰堂堂誰有此乎

夷齊恥周粟高歌誦虞軒產祿彼何人能致綺與園古

來避世士

一作人

死灰或餘煙末路益可羞朱墨手自研淵

明初亦仕絃歌本誠言不樂廼徑歸視世差獨賢

漢張良傳

呂后令呂澤卑辭厚禮迎此四人

顏師古曰謂園公綺里季夏黃公角

里先生再見晉陶潛傳嘗謂親朋曰聊欲絃歌以爲三徑之資可乎執事者聞之以爲彭澤令

誰謂淵明貧尚有一素琴心閑手自適寄此無窮音佳  
辰愛重九芳菊起自尋疎巾歎虛漉塵爵笑空斟忽餉  
二萬錢顏生良足欽急送酒家保勿違故人心

南史陶潛傳顏延之在潯陽與潛情款後爲始安郡臨去畱二萬錢與潛潛悉送酒家稍就取酒漢縣有傳賣庸於齊爲酒家保

人皆有耳目夫子曠與婁弱毫寫萬象水鏡無停酣閑  
居惜重九感此歲月周端如孔北海只有樽空憂二子  
不竝世高風兩無儔我復五百年清夢未易求

芙蓉雜金菊枝葉長闌干遙憐退朝人餽酒出太官豈

知江海上落英亦可餐典衣作重九徂歲一作暑慘將一作多寒

無衣粟一作寒我膚無酒顰我顏貧居真可歎二事長相關

國朝故事九月九日以花餽法酒賜近臣西京雜記漢武帝宮人賈佩蘭九月九日佩茱萸囊食餌飲菊花酒云令人長壽方言餌即餽或謂之餐

老詹亦白髮公自注惠州太守詹範字惠之相對垂霜蓬賦詩殊有味涉世

非所工杖藜山谷閒狀類渤海龔半道要我飲意與王

弘同有酒我自至不須遣龐通門生與兒子杖屨聊相



從

南史陶潛傳江州刺史王弘欲識之不能致也潛嘗往廬山弘令潛故人龐通之齋酒具於半道栗里要之潛使一門生二兒舉籃輿及至欣然便共飲酌俄頃弘至亦無忤也互見前

我家六兒子流落三四州辛苦見

一作更

不識今與農圃儔

買田帶修竹築室依清流未能遣一力分汝薪水憂坐念北歸日此勞未易酬我獨遺以安鹿門有前修

陶潛傳爲彭澤令送一力給其子曰今遣此力助汝薪水之勞此亦人子也可善遇之再見

### 九日閑居

明日重九雨甚展轉不能寐起索酒和淵明一篇  
醉熟昏然殆不能佳也

九日獨何日欣然愜平生四時靡不佳樂此古所名龍  
山憶孟子栗里懷淵明鮮鮮霜菊艷漚漚糟牀聲閑居  
知令節樂事滿餘齡登高望雲海醉覺三山傾長歌振  
履商起舞帶索榮坎坷識天意淹畱見人情但願飽秔  
稌年年樂秋成

新序原憲曳杖施履行歌商頌聲滿天地如出金石列子  
天瑞篇孔子游於太山見榮啟期鹿裘帶索鼓琴而歌

巳酉歲九月九日

十月初吉菊始開廼與客作重九因次淵明巳酉  
九月九日一首胡廣飲菊潭而壽然李固傳贊云  
其視胡廣猶糞土也



今日我重九

公自注海南氣候不常有月即中秋有菊即重陽

誰謂秋冬交黃花與我期

草中實後凋香餘白雲乾色映青松高悵望南陽野古  
潭霏慶霄伯始真糞土平生夏畦勞飲此亦何益內執  
中自焦持我萬家春一醉五柳陶夕英幸可掇繼此木

蘭朝

漢地理志南陽郡穰縣屬荊州古潭指穰縣菊水也胡廣字伯始飲水愈疾事詳三十七卷以黃子木拄杖壽子由詩注

歲暮作和張常侍

十二月二十五日酒盡取米欲釀米亦竭時吳遠

游陸道士皆客於余因讀淵明歲暮和張常侍詩

亦以無酒爲歎乃用其韻贈二子

吳遠游名復古字子野事見三十八卷次韻

由贈吳子野先生詩注味士名惟忠字子厚始見東坡於黃州惟忠作詩論內外丹自以爲決不死坡告之曰子神清而骨寒其清可以仙其寒亦足以死後十五年復見於惠曰吾真坐寒而死矣紹聖四年卒坡爲銘其墓坡嘗以文祭張安道云某於天下未嘗誌墓獨銘五人皆盛德故如惟忠吳遠游輩於公因元流離之中追隨不捨惟忠不幸而死故獨得公爲銘以垂千載是亦可謂知所託矣

我生有天祿玄膺流玉泉何事陶彭澤乏酒每形言仙人與道士自養豈在繁但使荆棘除不憂黎棗愆我年六十一頽景薄西山歲暮似有得稍覺散亡還有如千丈松常苦弱蔓纏養我歲寒枝會有解脫年米盡初不知但怪饑鼠遷二子真我客不醉亦陶然

漢食貨志酒者天之美祿黃庭經舌下玄膺死生岸出清入玄二氣渙子若得之昇天漢注云玄膺通津液之岸也管受精符揚雄反騷恐日薄於西山

### 游斜川



正月五日與兒子過出游作

正月五日

謫居澹無事何異老且休雖過靖節年未失斜川游春  
江淥未波人臥船自流我本無所適汎汎隨鳴鷗中流  
遇伏洄捨舟步曾丘有口可與飲何必逢我儔過子詩  
似翁我唱而輒酬未知陶彭澤頗有此樂不問點爾何  
如不與聖同憂問翁何所笑不爲由與求

陶淵明游斜川詩開歲倏五十吾生行歸休楚辭卜居泛泛若水中之鳧隨波上下偷以全吾軀南史袁粲傳道遇一士大夫便呼與飲明日此人謂被知顧到門求進粲曰昨飲酒無偶聊相要耳

郭主簿

清明日聞過誦書聲節閑美感念少時悵焉追懷

先君宮師之遺意  
且念淮德二幼孫無以自遣  
和淵明二篇隨意所寓無復倫次也

今日復何日高槐布初陰  
良辰非虛名清和盈我襟  
孺子卷書坐誦詩如鼓琴  
卻去四十年玉顏如汝今  
閉戶未嘗出出爲鄰里欽  
家世事酌古百史手自斟  
當年二老人喜我作此音  
淮德八我夢角羈未勝簪  
孺子笑問我君何念之深

禮記翦髮爲髻男角女羈  
注云夾囟曰角午達曰羈

雀殼含淳音竹萌抱靖

作節  
公自注此兩句先君  
少時詩失其全篇

誦我先君詩

肝肺爲澄澈猶如鳴鶴和未作獲麟絕願因騎鯨李追



此御風列丈夫貴出世功名豈人傑家書三萬卷獨取  
服食訣地行即空飛何必挾日月

楞嚴經衆生堅固服餌而不休息食道圓成各地行仙堅固草木而不  
休息藥道圓成各飛行仙互見前 壯子山木篇昭昭乎如揭日月而行

示周掾祖謝

游城東學舍作

聞有古學舍竊懷淵明欣攝衣造兩塾窺戶無一人邦  
風方杞夷廟貌猶殷因先生饌已缺弟子散莫臻忍饑  
坐談道嗟我亦晚聞永言百世祀未補平生勤今比復  
何國豈與陳蔡鄰永媿虞仲翔弦歌滄海濱

此詩非作於後  
身有恨利化而忘身

三國吳虞翻傳字仲翔徙交州雖處  
罪放而講學不倦門徒常數百人

贈羊長史

得鄭會嘉靖老書欲於海舶載書千餘卷見借因  
讀淵明贈羊長史詩云愚生三季後慨然念黃虞  
得知千載事上賴古人書次其韻以謝鄭君

我非皇甫謐門人如摯虞不持兩鳴酒冒借一車書欲  
令海外士觀經似鴻都結髮事文史俯仰六十餘老馬  
不耐放長鳴思服輿故知根塵在未免病藥俱念君千  
里足歷塊猶踟躕好學真伯業比肩可相如此書久已  
熟救我今荒蕪顧慙桑榆迫久厭詩酒娛奏賦病未能  
草玄老更疎猶當距楊墨稍欲懲荆舒



晉皇甫謐傳自表就武帝借書送一車與之門人摯虞等皆爲晉名臣兩陽王語借書一瓶還書一瓶韻注瓶一作鴟盛酒器卽鴟夷也後漢靈帝紀光和元年始置鴻都門學生蔡邕書石經雄記袁遺字伯業已見本卷飲酒詩注詩魯頌荆舒是懲按王安石初封荆國公後封舒王詩意指此

乞食

莊周昔貸粟猶欲春  
昭之魯公亦乞米炊煮尚不辭淵  
明端乞食亦不避嗟  
嗚呼天下士死生寄一杯斗水  
何所直遠汲苦姜詩立有餘薪米養此老不才至味久  
不壞可爲子孫貽

禮記齊大饑黔敖爲食於路以餓者有餓者來黔敖左奉食右執飲曰嗟來食揚其目而視之曰惟不食嗟來之食以至於斯也

胡西曹示顧時曹

長春如稚女飄飄倚  
颺一颺卯酒暈玉頰紅綃卷生衣低



顏香自斂含睇意頗微寧當娣一作配黃菊未肯一作似戎葵

誰言此弱質閱世觀盛衰頽然疑薄怒沃盥未可揮瘴

雨吹蠻風凋零豈容遲老人不解飲短句餘清悲

爾雅長婦謂稚婦為娣娣婦謂長婦為妯娌王神女賦頽薄怒以自持今曾不可乎犯干左傳僖二十三年晉公子重耳之秦秦伯納女五人奉匭沃盥既而揮之

### 移居

去歲三月自水東嘉祐寺遷合江樓迄今一年多

病鮮歡頗懷水東之樂得歸善縣後隙地數畝父

老云此古白鶴觀也意欣然欲居之廼和此詩

昔我初來時水東有幽宅晨興一作與烏鵲朝暮與牛羊夕

誰令遷近市日有造請役歌呼雜閭巷鼓角鳴枕席出



門無所詣樂事非宿昔病瘦獨彌年束薪與誰析

左傳昭三年齊景公欲更晏子之宅曰子之宅近市湫隘囂塵不可以居請更諸爽塏者漢張湯傳造請諸公不避寒暑

洄潭轉碕岸我作江郊詩今爲一厘氓此地乃得之葺  
爲無邪齋思我無所思古觀廢已久白鶴歸何時我豈  
丁令威千歲復還茲江山朝福地古人不吾欺

時運

丁丑二月十四日白鶴峰新居成自嘉祐寺遷入  
詠淵明時運詩云斯晨斯夕言息其廬似爲余發  
也廼次其韻長子邁與余別三年矣挈攜諸孫萬  
里遠至老朽憂患之餘不能無欣然

像有有到時種是東坡  
李也



陶詩不直其辭  
自云歸去來  
伊陶詩不直其辭

我卜我居居非一朝龜石吾欺食此江郊廢非已塞喬木千霄昔人伊何誰其喬苗

下有澄一作碧潭可飲可濯江山千里供我遐矚木固無蹊

瓦豈有足陶匠自至獻歌相樂

我視此邦如洙如沂邦人勸我老矣安歸自我幽獨倚

門或揮豈無親友雲散莫追

顧野王玉篇洙水出泰山沂水出琅邪縣揚子衙門牆則麾之再見王仲宣贈蔡子篤詩風流雲散一別如雨

旦朝丁丁誰款我廬子孫遠至笑語紛如翦髮一作髮垂髻

覆此瓠壺三年一夢迺復見余

詩小雅伐木丁丁鳥鳴嚶嚶呂氏春秋款門而謁款扣也漢張蒼傳肥白如瓠陳遵傳腹如瓠壺



始經曲阿

虞人非其招欲往畏簡書穆生責醴酒先見我不如江  
左古弱國強臣擅天衢淵明墮詩酒遂與功名疎我生  
值良時朱金義當紆天命適如此幸收廢棄餘獨有媿  
此翁大名難久居不思犧牛龜兼取熊掌魚北郊有大  
賚南冠解囚拘眷言羅浮下白鶴返故廬

揚子使我紆朱懷金其樂不可量也莊子列禦寇子見夫犧牛乎衣以文繡食以  
芻菽及其牽而入於太廟雖欲爲孤犢其可得乎外物篇神龜能見夢於元君而  
不避余且之網知能七十二鑽  
而無遺策不能避剗腸之患

施註蘇詩卷之四十一

施註蘇詩卷之四十二

長洲顧嗣立

漫堂先生宋

肇

閱定

毗陵邵長蘅

刪補

樸園先生張榕端

商丘宋至

追和陶淵明詩六十首

讀山海經

淵明讀山海經十三首其七皆仙語余讀抱朴子

有所感用韻賦之

晉葛洪字稚川止羅浮山鍊丹自號抱朴子因以名書

今日天始霜衆木斂以疎幽人掩關臥明景翻空廬開  
心無良友寓眼得奇書建德有遺民道遠我無車無糧



食自足豈謂穀與蔬媿此稚川翁千載與我俱畫我與  
淵明可作三士圖學道雖恨晚賦詩豈不如

莊子山木篇南越有邑焉名為建德之國其民愚而朴少私而寡欲云云君曰彼其道遠而險又有江山我無舟車奈何市南子曰君無形倨無畱居以為君車君曰彼其道幽遠而無人吾誰與為隣吾無糧我無食安得而至焉市南子曰少君之費寡君之欲雖無糧而乃足

稚川雖獨善愛物均孔顏欲使螭蛄流知有龜鶴年辛  
勤破封蟄苦語劇移山博哉無窮利千載食此言

抱朴子論仙篇或問曰古人推龜鶴於別類以死生為朝暮而吾子乃欲延螭蛄之命令有歷紀之壽吾子不亦謬乎莊子螭蛄不知春秋此小年也郭景純游仙詩借問蟬蛸輩

寧知龜鶴年

淵明雖中壽雅志仍丹丘遠矣無懷民超然邈無儔奇  
文出續息豈復生死流我欲作九原異世為三游

莊子上壽曰壽中壽八十下壽六十楚辭遠遊仍羽人於羽客兮而不死之舊所  
陶淵明五柳先生傳賦詩以樂其志無懷氏之民樂天氏之民樂天  
自為祭文及與客等詩集  
中禮記屬籍以俟氣絕

子政信奇逸妙算窮陰陽淮南枕中訣養練歲月長豈

伊臬濁中爭此頃刻光安知青藜火丈人非中黃

漢劉向傳字子政淮南枕中鴻寶苑秘書言神仙傳藥物為黃金之術向幼而讀誦以為奇互見十二卷贈王仲素詩注士子年拾遺記劉向正月十五夜受書天祿閣有老人著黃衣植青藜杖見向暗中誦書老人吹杖端烟然因以照坐與向說別圖以前事授以五行洪範之文抱朴子仙藥篇中黃子有服食節度極言篇黃帝勸東岱而奉中黃

亂離棄弱女破冢割恩憐寧知効龜息三歲號窮山長  
生定可學當信仲弓言支牀竟不死抱一無窮年

抱朴子故太丘長陳仲弓篤論士也撰異聞記云其郡人張廣定者遭亂當避有一女年四歲不能步涉又不可擔負計棄之固當餓死不欲令其骸骨之露村側



有大古家先有穿穴乃以器盛縋之下此女於家中以數月許乾飯及水漿與之而捨去後三年廣定乃得還鄉欲收所棄女骨其女故坐冢中見其父母猶識之父母甚喜初猶恐其鬼也入就之乃知其不死問從何得食女言糧初盡時見冢角有一物伸頸吞氣試効之輒不復饑日月爲之以至於今廣定索女所言物乃是一大

龜耳

二山在咫尺靈藥非草木玄芝生太元黃精出長谷仙都浩如海豈不供一浴何當從山火束縋分寸燭

抱朴子微旨論或曰竊聞求生之道當知二山不審此山爲何所在曰有之夫太元之山難知易求不天不地不沈不浮玄芝萬株終樹時生此一山也長谷玄山杳杳巍巍玄雲飄飄玉液霏霏有道之士登之不哀採服黃精以致天飛此二山也皆古賢之所秘子精思之漢蒯通傳東縋請火

蜀士李八百穴居吳山陰默坐但形語從者紛如林其後有李寬鷄鵠非同音口耳固多僞識真要在心

抱朴子吳大帝時蜀中有李阿者穴居不食世傳見之號爲八百歲翁人往問事阿無所言但瞻顏色後一旦忽去不知所往後有一人姓李名寬到吳而蜀語能

呪水治病如神於是遠近翕然謂真為李阿因世呼為李八百以其年也了無治身之要後有見其者與凡人無異及吳大疫竟亦得活病死者皆空中而事竟不顯謂之化形屍解之仙非真死也

黃花冒甘谷靈根固深長葛井窖丹砂紅泉湧尋常二

女戲口鼻一作耳松膏以為糧聞此不能寐起坐夜未央

抱朴子南陽郡縣山中有甘谷水所以甘者谷上下左右皆生甘樹其樹實中故水味為饒谷中居民飲甘谷水者無不長壽此水有力也又臨沅縣有民世年百歲或八九十是它井水殊赤試飲之左右皆曰埋丹砂數十斛砂汁因渠入井故飲而得壽已見前注又上黨有趙聖者病癰歷年垂死有仙人以靈藥賜之曰此是松脂也服之可以長生不死聖服之年百七十歲夜見面上有采女二長二三寸滿口鼻之間如是且一年此女長如大人在側又嘗聞琴瑟之音欣然獨笑在人間二百許年色如少童乃入抱犢山去必地仙也

談道鄙俗儒遠自太史走仲尼實不死於聖亦何負紫文出吳宮丹雀本無有遼哉廣桑君獨顯三季後



荀子儒効篇德然若終身之虜而不能有他志是俗儒者也抱朴子辨問篇俗儒云聖人所不能則餘人皆不能未聞周孔能爲斯事也或曰周孔皆能爲此但不爲爾吾答之曰必若所云者吾亦可以言周孔皆以昇仙但以此法不可以訓世恐人皆知不死之可得故周孔密自爲之而秘不告人吳王伐石以治宮室而於合石之中得紫文金簡之書不能讀使使者持以問仲尼而欺仲尼曰吳王閼居有赤雀銜書以置殿上不知其義故遠諮呈仲尼視之曰此乃靈寶之方長生之法禹之所服隱在水邦年齊天地朝於紫庭者也禹將仙化封之名山石函之中今乃赤雀銜之殆天授也以此論之是夏禹不死也而仲尼又知之安知仲尼不皆密修其道乎

金丹不可成安期渺雲海誰謂黃門妻至道廼近在屍解竟不傳化去空餘悔丹成亦安用御氣本無待

眞誥葛洪內篇漢明門郎程偉妻能通神變化煎水銀成銀偉從受方妻謂偉骨相不應得之逼之不已妻乃屍解去抱朴子云黃門郎莊子逍遙遊乘天地之止而御六氣之辨以遊無窮者彼且惡乎待哉

鄭君故多方玄翁所親指奇文二百篇了未出生死素

書在黃石豈敢辭跪履萬法等成壞金丹差可惜

晉易洪傳從祖玄學道得仙以其鍊丹法授鄭隱洪就隱學典得其法抱朴子  
余覽九君門人請見方書先以道家訓戒書示余余頗以其疑事  
咨問之鄭君言君才可教也今當以佳書相示久之得石見但書嫌素所為者  
年之中合集所見二百許卷隨履最良事已見仙傳後道張又并於原亦看  
之觀人發其墓但見黃石枕化而飛去得素書為抱朴子鄭君言余曰  
雜道書卷有佳事但當校其精與非所施行石金月一成此等一切不用也

古強本妄庸蔡誕亦夸士曼都斥仙人謁帝輕舉止學  
道未有得自欺誰不爾稚川亦臨人疏錄此庸子

抱朴子言有古強者草木之方年八十許尚聰明時人便謂之仙人而強曾畧  
述書記題識其事自言已四十年取為虛言言一不伴此皆有各無實使世間不  
信天下有神仙皆坐此輩以誑亂耳也方原有蔡君者好道而不得佳師棄家  
東遊之深山中三年饑凍辛苦久而不堪還家黑瘦骨立不復以人其家問之因  
欺家云吾未能昇天但為地仙也為君教龍因與諸仙博戲忽失此龍以罪見  
譴送付崑崙山下芸鋤芝草法當十年乃得原會僱伶子王喬諸仙來按行為吾  
作力且得放歸於是遂老死矣河東蒲坂有項曼都者入山學仙十年而歸家云  
曾到天上仙人以流霞一杯飲我輒不饑渴忽然思家到天帝前謁拜失儀見斥



河東因號曼都爲斥仙人世多  
此輩種類非一不可不詳也

東坡信畸人涉世真散材仇池有歸路羅浮豈徒來踐  
蛇及茹蠱心空了無猜攜手葛與陶歸哉復歸哉

莊子畸於人而侔於天仇池注再見又先生常夢至仇池詳載桃花源詩引見本  
卷後韓退之憶昨行踐蛇茹蠱不擇化忽有飛詔從天來伾文未揃崖州熾雖得  
赦宥恒  
愁猜

### 還舊居

#### 夢歸白鶴山居作

痿人常念起夫我豈忘歸不敢夢故山恐興墳墓悲生  
世本暫寓此身念念非鵝城亦何有偶拾鶴毳遺窮魚  
守故沼聚沫猶相依大兒當門戶時節供丁推夢與鄰

翁言憫然憐我衰往來付造物未用相招麾

漢韓王信傳僕之思歸如痿人不忘起自者不忘視莊子魚相煦以涇相濡以水  
杜子美詩大兒久在外門戶無人持束教求春明退朝錄吳正肅育旨律令一  
推推字不通少壯之意當是丁稚唐以高宗諱過之損其點書御史記汲黯傳罷  
助曰使黯任職居官無以踰人然至其輔少主守城深堅招之不來麾之不去雖  
自謂責育亦  
不能奪之矣

### 止酒

丁丑歲余謫海南子由亦貶雷州五月十一日相  
遇於藤同行至雷六月十一日相別渡海余時病  
痔呻吟子由亦終夕不寐因誦淵明詩勸余止酒  
乃和元韻因以贈別庶幾真止矣

時來與物逝路窮非我止與子各意行同落百蠻裏蕭



然兩別駕各攜一稚子子室有孟光我室惟法喜相逢  
山谷間一月同臥起茫茫海南北麤亦足生理勸我師  
淵明力薄且爲已微疴坐杯酌止酒則瘳矣望道雖未  
濟隱約見津涘從今東坡室不立杜康祀

唐王績傳所居東南有  
磐石立杜康祠祭之

### 西田穫早稻

蓬頭三獠奴誰謂愿且端晨興灑掃罷飽食不自安願  
治此圃畦少資主遊觀晝功不自覺夜氣乃潛還早非  
欲爭春晚菰先破寒人間無正味美好出艱難蚤知農  
圃樂豈有非意干尚恨不持鋤未免駢我顏此心苟未

降何適不閒關休去復歇去菜食何所嘆

北史蠻僚傳南方曰蠻其流曰蠻曰僚南史曰蠻僚曰蠻僚終日長蔬食文惠太子問菜食何味最勝曰春初早韭秋末晚菘傳燈錄石霜和尚有僧入室石霜云休去歇去

### 下巽田舍獲

聚糞西垣下鑿泉東垣隈勞辱何時休宴安不可懷天  
公豈相喜雨霽與意諧黃松養土膏老楮生樹鷄未忍  
便烹煮繞觀日百迴跨海得遠信冰檠鳴玉哀茵陳點  
膾縷照坐如花開一與蜚叟醉蒼顏兩摧頰齒根日浮  
動自與梁肉乖食菜豈不足呼兒拆鷄栖

左傳閔公元年管敬仲言於齊侯曰宴安酖毒不可懷也杜子美詩一日須來一  
百迴韓退之李花詩冰盤夏薦碧實脆杜子美乞糞盆詩大邑燒瓷輕且堅扣如



哀玉錦城傳又詩棟樹  
寒雲色茵陳春藕香

使都經錢谿

游城南謝氏廢園作

喬木卷蒼藤浩浩崩雲積謝家堂前燕對語非宿昔仰  
看桄榔樹玄鶴舞長翮新年結荔子主人黃壤隔谿陰  
宜館我稍省薪水役相如賣車騎五畝亦可易但恐鵬  
鳥來此生還蕩析誰能插籬槿護此殘竹柏

赴假金陵夜行

郊行步月作

缺月不蚤出長林踏青冥犬吠主人怒媿此閭里情怪

我夜不歸茜袂窺柴荆雲間與地上待我兩友生驚鵲  
再三起樹端已微明白露淨原野始覺丘陵平暗蛩方  
夜績孤螢亦宵征歸來閉戶坐寸田且默耕莫赴花月  
期免爲詩酒縈詩人如布穀聒聒常自鳴

擬古九首

有客叩我門繫馬門前柳庭空鳥雀散門閉客立久主  
人枕書臥夢我平生友忽聞剝啄聲驚散一杯酒倒裳  
起謝客夢覺兩愧負坐談雜今古不答顏愈厚問我何  
處來我來無何有

酒盡君可起我歌已三終由來竹林人不數濤與戎有



酒從孟公慎勿從揚雄崎嶇頌沙麓塵埃汗西風昔我  
未嘗達今者亦安窮窮達不到處我在阿堵中

說苑孔子遭難陳蔡之境歌兩柱之間于路援干而舞三終而出南史顏延之五  
君詠山濤王戎以貴顯被黜再見漢陳遵字孟公屢見漢元后傳后薨王莽詔賜  
雄作詠曰太陰之精沙麓之靈作合於漢配元  
生成晉顧愷之傳傳神寫照正在阿堵中再見

客去室幽幽服鳥來坐隅引吭伸兩翮太息意不舒吾  
生如寄耳何者爲我廬去此復何之少安與汝居夜中  
聞長嘯月露荒榛蕪無問亦無答吉凶兩何如

少年好遠游蕩志隘八荒九夷爲藩籬四海環我堂盧  
生與若士何足期渺茫稍喜海南州自古無戰場奇峰  
望黎母何異崧與邛飛泉寫萬仞舞鶴雙低昂分汜

流未入海膏澤彌此方芋艿僅可飽無肉亦奚傷

楚辭遠遊悲時俗之迫隘兮願輕舉以遠遊神仙傳若上謂盧敖曰吾方與汗漫期於九垓之外屢見九垓之仙何有翠母山水

馮洗古烈婦翁媼國於茲茲不勲梁武後開府隋文時三世更險易一心無磷緇錦繡平積亂崖渠破餘疑廟貌空復存碑板漫無辭我欲作銘誌慰此父老思遺民不可問僂句莫余欺犧牲菌蠃知我當一訪之銅鼓壺盧笙歌此迎送詩

北史列女傳譙國夫人洗氏世爲南越自領存父母家撫循部衆能壓服諸越海南詹耳歸附者千餘洞梁大同中高涼太守馮寶聘以爲妻高州刺史李遷仕反夫人擊之大捷及寶卒嶺表大亂夫人悔集百越數州晏然陳永定二年廣州刺史歐陽紇反夫人發兵拒境詔使持節而夫人爲高源郡太夫人儀如刺史陳亡隋文帝遣陳主遺書諭之歸化夫人得信驗盡日慟哭親披甲乘介馬張錦繡領鼓騎衛詔使巡撫諸州封譙國夫人每歲時大會陳所賜物於庭以示子孫曰我



事三代主惟用一好心今賜物具存此忠孝之報國語奉文犀之渠注云甲也腰  
句龜也事出左傳已見史記封禪書令越巫立越祝祠而以雞卜番禹雜編嶺表  
之人凡小事必卜其名雞卜鼠卜米卜著卜牛骨卜雞卵卜田螺卜篴竹卜嶺表  
錄異銅鼓蠻夷之樂形如腰鼓一頭有面頭面圓二尺許用銅鑄其身遍有蟲魚  
草木之狀擊之響亮不下鳴鼉胡盧笙交趾人多取無柄  
之瓠剖而為笙上安十三簧吹之音律清響雅合律呂

沈香作庭燎甲煎紛相和豈若注微火縈煙嫋清歌貪  
人無飢飽胡椒亦求多朱劉兩狂子公自注朱初平劉誼欲冠帶黎人以取水沈隕

墜如風花本欲竭澤漁奈此明年何

說庭燎大燭也詩有庭燎篇禮記庭燎之百自齊桓公始也南史范曄傳撰和香方以比類朝士其序曰沈實易和以自元載事已見史記孔子世家竭澤涸漁則以龍不合陰陽呂氏春秋晉文公與楚人戰城濮雍季曰竭澤而漁不獲得而明年無矣

鷄窠養鶴髮及與唐人游來孫亦垂白頗識李崖州再

逢盧與丁閱世真東流斯人今在亡未遽掩一丘我師

吳季子守節到晚周一見春秋不渺焉不可求

錢希白洞微志太平興國中李守忠奉使南  
興年八十一歲守忠詣其家見其父叔皆年  
百九十五語次見梁上鵲巢中有小兒出頭  
不知其年朝望取下子孫列拜而已爾雅曾  
訓謂唐相李德裕也德裕大中二年貶崖州  
訪及往時事執誼李德裕二相經由宋卿曰  
人北去買藥其時某以小吏亦一獻尉料於  
遷落南荒茅茨之下了無介懷盧丁謂盧多  
橫楊惲傳古與今如一丘之貉衡按公詩及  
也盧丁乃其本朝故語意特深渾左傳襄三  
子守節者也

雖有國不立

城南有荒池瑣細誰復採幽姿小芙渠香色獨未改欲  
為中州信浩蕩絕雲海遙知玉井蓮落葉不相待攀躋  
及少壯已矣一作那容悔

此句他  
無亦色  
同



以詩見志感悅  
于子非獨

黎山有幽子形槁神獨完負薪入城市笑我儒衣冠生  
不聞詩書豈知有孔顏條然獨往來榮辱未易關日暮  
鳥獸散家在孤雲端問塔了不通歎息指屢彈似言君  
貴人草莽棲龍鸞遺我古貝布海風今歲寒

莊子大宗師條然而往條然而來舊唐書南蠻傳婆利國有古貝草緝花以作布  
鹿麕者名白氎番禺雜編嶺南邕容皆有古貝樹語訛爲劫貝其花藥似茸絲以線  
織爲布

戴主簿

海南無冬夏安知歲將窮時時小搖落榮悴俯仰中上  
天信包荒佳植無由豐鉏耰符肅殺有擇非霜風手栽  
蘭與菊侑我清宴終擷芳眼已明飲酒腹尚冲草去土

自墮井深牆愈隆勿笑一畝園蟻垤齊衡嵩

續表錄吳廣南節氣四季溫微當盛暑北風而雨便謂之濕天  
嚴冬南風而晴卻如初夏時之寒暑繫在陰晴彼人謂之濕天

怨詩示龐鄧

當歡有餘樂在戚亦頽然淵明得此理安處故有年嗟  
我與先生所賦良奇偏人間少宜適惟有歸耘田我昔  
墮軒冕毫釐真市塵困來臥重裯憂媿自不眠如今破  
茅屋一夕或三遷風雨睡不知黃葉滿枕前寧當出怨  
句慘慘如孤煙但恨不蚤悟猶推淵明賢

柳子厚乞巧文胡爲賦授有此奇偏劉  
楨贈徐幹詩起坐失次第三四遷

劉柴桑



紅緒玄玄五尺必  
二五失下非

紅緒與紫芋遠插牆四周且放幽蘭春莫爭霜菊秋窮  
冬出甕盎磊落勝農疇淇上白玉延公自注淇上出山藥一名玉延能復過  
此不一飽忘故山不思馬少游

與殷晉安別

送昌化軍使張中

張中事見三十八卷新居詩注

孤生知永棄末路嗟長勤久安儋耳陋日與雕題親海  
國此奇士官居我東鄰卯酒無虛日夜棊有達晨小甕  
多自釀一瓢時見分仍將對牀夢伴我五更春暫聚水  
上萍忽散風中雲恐無再見日笑談來生因空吟清詩  
送不救歸裝貧

禮記王制：雞犬之土，有火食者，名曰鄰。天合之氣，地合之土，民合之俗，是謂三和。何處兩葉浮萍大海中，鄒禹錫寄僚友詩：故人雲雨散滿目山川多。

田舍始春懷古

儋人黎子雲兄弟居城東南躬農圃之勞偶與軍使張中同訪之居臨大池水木幽茂坐客欲爲醵錢作屋余亦欣然同之名其屋曰載酒堂用淵明懷古田舍韻作二首

退居有成言垂老竟未踐何曾淵明歸屢作敬通免休閑等一味妄想生愧靦公自注淵明未用細字今聊取其同音聊將自知明稍積在家善城東兩黎子室邇人自遠呼我釣其池人魚兩忘返使君亦命駕恨子林塘淺



後漢馮衍字敬通爲曲陽令論功當封以讒毀故賞不行帝將召見王護等排間由此得罪顯宗卽位又多短衍以文過其實遂廢於家詩小雅有覲面目注覲面慙也詩國風其室則通其人甚遠白樂天渭上釣詩况我垂釣意人魚又兼忘

茅茨破不補嗟子迺爾貧菜肥人愈瘦竈閑井亦勤我欲致薄少解衣勸坐人臨池作虛堂雨急瓦聲新客來有美載果熟多幽欣丹荔破玉膚黃柑溢芳津借我三畝地結茅爲子鄰鳩舌儻可學化爲黎母民

韓退之寄盧仝詩時致薄少助祭祀按廣輿記載黎子雲兄弟貧而好學所居多林木水竹東坡嘗造訪遇雨從農家借笠著屐小兒隨行調笑云云今世傳東坡冒雨圖卽此事也故附著之

停雲

自立冬以來風雨無虛日海道斷絕不得子由書

題和淵明停雲詩以寄

停雲在東黯其將雨嗟我懷人道修且阻眷此區區俛  
仰再撫良辰過鳥逝不我佇

莊子其疾俯仰之  
間再撫四海之外

颶作海渾天水溟濛雲屯九河雪立三江我不出門寤  
寐北牕念彼海康神馳往從

南越志颶風具四方之風也嘗以五六月興于美  
朝獻太清宮賦九天之雲下垂四海之水皆立再見

凜然清癯落其驕榮餽奠化之廓兮忘情萬里遲子晨  
興宵征遠虎在側以寧先生

遲遠子由二子  
也遠小字虎兒



此詩自明評色却

對奕未終摧然斧柯再遊蘭亭默數永和夢幻去來誰  
少誰多彈指太息浮雲幾何

述異記信安山有石室王質入其室見童子對碁質觀之局未終視所執斧柯已朽爛矣置王義之蘭亭叙曰永和九年暮春之初會於蘭亭修禊事也

勸農

海南多荒田俗以買香爲業所產杭稌不足於食  
廼以藷芋雜米作粥糜以取飽予旣哀之乃和淵  
明勸農詩以告其有知者

咨爾漢黎均是一民鄙夷不訓夫豈其真怨忿劫質尋  
戈相因欺謾莫訴曲自我人

後漢順帝紀益州盜賊劫質令長役列  
侯左傳昭公元年日尋干戈以相征討

天禍爾土不麥不稷民無用物怪珍是植播厥熏木腐  
餘是穢貪夫汚吏鷹鷂狼食

漢鴈吏傳義縱以

鷹鷂毛鷂爲治

豈無良田膴膴平陸獸蹤交締鳥喙諧穆驚麀朝射猛  
稀夜逐芋羹諸糜以飽耆宿

毛詩周原膴

膴莖茶如飴

聽我苦言其福永久利爾鉏耜好爾鄰偶斬艾蓬藿南  
東其畝父兄搢挺以扶游手

左傳昭十六年庸次比耦以艾殺此地斬之蓬蒿藂藿而共處之詩小雅我疆我  
理南東其畝左傳襄十七年子罕親執耒以挾其不勉者後漢章帝紀元和二年  
勸農詔曰務盡  
地力勿令游手



聖切誤

天不假易亦不汝置春無遺勤秋有厚冀雲舉雨決婦  
姑畢至我良孝愛祖跣何媿

左傳桓十三年夫人鄧曼曰見莫敖而告諸天之不假易也漢書溝洫志鄭國在前白渠起後舉畝爲雲決渠爲雨

逸諺戲侮博奕頑鄙投之生黎俾勿冠履霜降稻實千  
箱一軌大作爾社一醉醇美

尚書無逸乃逸乃諺既誕否則侮厥父母生黎見三十八卷用過韻冬至詩注毛詩乃求千斯倉乃求萬斯箱黍稷稻粱農夫之慶

雜詩十一首

斜日照孤隙始知空有塵微風動衆竅誰信我忘身一  
笑問兒子與汝定何親從我來南海幽絕無四鄰耿耿  
如缺月獨與長庚晨此道固應爾不當怨尤人

故山不可到飛夢隔五嶺眞游有黃庭閉目寓兩景室  
空無可照火滅膏自冷披衣起視夜海闊河漢永西牕  
半明月散亂梧楸影良辰不可繫逝水無由騁我苗期  
後枯持此一念靜

黃庭經注脾中央即黃庭之宮又黃庭有內景外景

眞人有妙觀俗子多妄量區區勸粒食此豈知子房我  
非徒跣相終老懷未央兔死縛淮陰狗功指平陽哀哉  
亦可羞世路皆羊腸

史記留侯學辟穀道引輕身呂后德留侯乃強食之漢蕭何傳爲相國後下廷尉數日赦出何徒跣入謝又上曰諸君徒能得獸耳功狗也至如蕭何發縱指示功人也列侯畢已受封奏位次皆曰平陽侯曹參宜第一上善鄂千秋言乃令何第一漢韓信傳高祖令武士縛信載後車信曰果若人言狡兔死良狗烹械信至降



陽叔以爲淮陰侯酈道元水經注羊腸坂在晉陽西北石磴縈委若羊腸故取名焉

相如偶一官嗤鄙蜀父老不記犢鼻時滌器混傭保著  
書曾幾何渴肺灰土燥琴臺有遺魄笑我歸不蚤作書  
遺故人皎皎我懷抱餘生幸無媿可與君平道

九域志成都府古跡有司馬相如琴臺漢書王吉貢禹傳序蜀有嚴君平卜筮於成都中以爲卜筮者賤業而可以惠衆人有邪惡非正之問則依著龜而言利害

孟德黠老狐姦言嗾鴻豫哀哉喪亂世梟鸞各騰翥逝  
者知幾人文舉獨不去天方斲漢室豈計一郝慮昆蟲  
正相齧迺比蘭相如去聲我知公所坐大名難久住細德  
方險微豈有容公處既往不可悔庶爲來者懼

後漢孔融傳字文舉曹操忌融正議慮鯁大業山陽鄒慮承望風旨奏免融官因顯明儲怨操故書激厲融曰廉蘭小國之臣猶能相下國家東遷文舉盛歎鴻豫

名實相副鴻猷亦稱大業今名實始於此後世家范範曰大名之下  
成其罪遂令終身收其名下獄棄市慮字鴻猷正記遠世家范範曰大名之下  
難以久居賈誼予屈臣見知  
德之險微今遙增擊而去之

博大古真人老聃關尹喜獨立萬物表長生乃餘事雅  
川差可近儻有接物意我頃登羅浮物色恐相值徘徊  
朱明洞沙水自清駛滿把昌蒲根歎息復棄置

莊子天下篇關尹老聃古之博大真人哉  
朱明洞詳三十五卷遊羅浮山公自注

藍喬近得道常苦世褊迫西游王屋山不踐長安陌爾  
來寧復見鳥道度太白昔與吳遠遊同藏一瓢窄潮陽  
隔雲海歲晚儻見客伐薪供養火看作栖鳳宅

英州鄭總作藍喬傳喬字子升循州龍川人母陳氏禱羅浮山而孕年十二已能  
爲詩文求道書讀之辭母之江淮抵京師七年而歸語母曰兒所以復返者念母



故也瓢中出丹一粒餽焉以黃金數斤遺母曰是真氣所成潮州人吳子野遇之於京師方大暑同登汴橋買瓜喬曰塵埃汙吾瓜當於水中嗽爾自擲於河至夜不出吳候其邸則已酣寢始知喬已得道遂與執轡語人曰吾羅浮仙人也由此升天矣一日躡風雲而上征宮中歷歷聞笙簫聲猶長吟李太白詩云下窺夫子不可及矯首相思空斷腸吳子野嘗謁東坡於惠州

南榮晚聞道未肯化庚桑陶頑鑄強獷枉費塵與糠越  
子古成之韓生教休糧參同得靈鑰九籙啟伯陽驚城  
見諸孫貧苦我爲傷空餘焦先室不傳元化方遺像似

### 李白一萸臨江觴

神仙傳魏伯陽得神丹玄奧之理微顯闡幽著參同契三卷隱丹經金匱九籙有九轉丹法籙所以藏書也後漢華佗傳字元化精於方藥爲曹操所殺臨死出一卷書與獄吏曰此可以活人吏畏法不敢受佗索火燒之

餘齡難把玩妙解寄筆端常恐抱永歎不及丘明遷親

友復勸我放心餞華顛虛名非我有至味知誰餐思我  
無所思安能觀諸緣已矣復何嘆舊託易兩篇

申韓本自聖陋古不復稽巨君縱獨慾借經作巖崖遂  
令青衿子珠壁人人懷鑿齒非蛙耳信謂天可彌大道  
久分裂破碎日愈離我如終不言誰悟角與羈吾琴豈  
得已昭氏有成虧

史記申韓傳申不害荆人也申子之學本於黃老而主刑名韓非韓之諸公子也  
喜刑名法術之學而其歸本於黃老漢王莽傳字巨君奏起明堂辟雍靈臺爲學  
者築舍萬區益博士員徵天下通一藝教授十一人以上及有逸禮古書毛詩周  
官爾雅通知其意者詣公車晉習鑿齒傳釋道安與鑿齒初相見道安曰彌天釋  
道安鑿齒曰四海習鑿齒再見漢夏侯勝傳章句小儒破  
碎大道昭氏成虧出莊子齊物論已見三十八卷鉗筌詩

我昔登朐山出日觀滄涼欲濟東海縣恨無石橋梁今



茲黎母國何異于公鄉  
蟾浦旣黏山暑退亦飛霜所欣  
非自調不怨道里長

九域志海州東海郡朐山縣滄亭字出列子已見三十五卷浴日亭詩注番禺雜編蟾殼卽牡蠣有高四五尺者水底見之如山岸呼爲蟾山韓退之初南食詩蟾相黏爲山南史張融海賦積雪中春飛霜暑路

連雨獨飲

吾謫海南盡賣酒器以供衣食獨有一荷葉杯工  
製美妙畱以自娛迺和淵明連雨獨飲二首

平生我與我舉意輒自然豈止磁石鐵雖合猶有間此  
外一子由出處同偏僊晚景最可惜分飛海南天糾繆  
不吾欺寧此憂患先顧引一作影一杯酒誰謂無往還寄語

海北人今日爲何年醉裏有獨覺意中無雜言

晉殷浩傳 殷浩嘗問浩君何如我浩曰我與君同處一室中我讀書而君臥之由福何異糾纏應劭曰如糾索糾則會也曰索曰糾絞也釋索也曰糾令動也引酒御肉既然復歸

阿堵不解醉誰欺此頽然誤入無功鄉掉臂嵇阮間飲中八仙人與我俱得僊淵明豈知道醉語忽談天偶見此物真遂超天地先醉醒可還酒此覺無所還清風洗徂暑連雨催豐年牀頭伯雅君此子可與言

陶淵明獨飲詩故老贈予酒乃言飲得仙試酌百情遠重觴忽忘天大際去此後任真無所先無還借用楊巖經語再見魏文帝典論劉表子好酒爲三爵大曰伯雅受七升次曰仲雅受五升次曰季雅受三升

### 王撫軍座送客



再送張中

胃中有佳處海瘴不能腓三年無所媿十口今同歸汝  
去莫相憐我生本無依相從大塊中幾合幾分違莫作  
往來相而生愛見悲悠悠含山日炯炯留清輝懸知冬  
夜長不恨晨光遲夢中與汝別作詩記忘遺

毛詩百卉具腓莊子大塊載我以生維摩經不使人有往來想

答龐參軍

三送張中

留燈坐達曉要與影晤言下帷對古人何暇復窺園使  
君本學武少誦十三篇頗能口擊賊戈戟亦森然才智

誰不如功名歎無緣獨來向我說情思當奚宜一見勝  
百聞往塵臯蘭山白衣挾三矢趁此征遼年

詩國風秦風采芣可與語言漢書何休傳下世論蓋三年不窺園更記孫氏傳  
以兵法治國者問曰子之十三焉吾之久可以小試勒兵乎晉朱同傳  
現曰宋將遂所以不言同曰諸君以言事賊何益以力耳唐高祖諸子傳號王巨  
入對今言楊國忠謂臣曰此來人多以口打賊君不聞乎漢趙充國傳百聞不如  
一見兵難於受顧馳至金城圖上方夏漢書本傳合知兵鑒臯蘭下唐薛仁貴  
傳天子征遼仁貴著白衣自標顯所向披靡後與九姓眾戰發三矢輒殺三人互  
見三十三卷次  
顏王晉卿詩注

### 桃花源 并引

世傳桃源事多過其實考淵明所記止言先世避  
秦亂來此則漁人所見似是其子孫非秦人不死  
者也又云殺鷄作食豈有仙而殺者乎舊說南陽



有菊水水甘而芳居民三十餘家飲其水皆壽或  
至百二三十歲蜀青城山老人村有見五世孫者  
道極險遠生不識鹽醢而溪中多枸杞根如龍虵  
飲其水故壽近歲道稍通漸能致五味而壽益衰  
桃源蓋此比也歟使武陵太守得而至焉則已化  
爲爭奪之場久矣常意天壤間若此者甚衆不獨  
桃源予在潁州夢至一官府人物與俗間無異而  
山川清遠有足樂者顧視堂上榜曰仇池覺而念  
之仇池武都氏故地楊難當所保予何爲居之明  
日以問客客有趙令時德麟者曰公何問此此乃

福地小有洞天之附庸也杜工

公蓋云萬古仇池

穴潛通小有天他日工部侍郎王欽臣仲至謂予  
曰吾嘗奉使過仇池有九十九泉萬山環之可以  
避世如桃源也

凡聖無異居清濁共此世心閑偶自見念起忽已逝欲  
知真一處要使六用廢桃源信不遠杖藜可小憇躬耘  
任地力絕學抱天藝臂雞有時鳴尻駕無可稅荅龜亦  
晨吸杞狗或夜吠耘樵得甘芳齧齧謝炮製子驥雖形  
隔淵明已心詣高山不難越淺水何足厲不如我仇池  
高舉復幾歲從來一生死近又算癡慧蒲澗安期境羅

知公一處清濁共此世  
心閑偶自見念起忽已逝



浮稚川界夢往從之游神交發吾蔽桃花滿庭下流水  
在戶外卻笑逃秦人有畏非真契

傳燈錄爲山云凡聖同居龍蛇混雜楞嚴經當知是根非一非六汝須陀洹雖得  
六銷猶未忘一又塵旣不緣根無所偶反流全一六用不行莊子大宗師化予之  
左臂以爲雞子因以求時夜化予之尻以爲輪以神爲馬予因而乘之豈更駕哉  
羅浮山靈異記麻姑壇有枸杞樹時有赤大見於樹下或天晴朗時聞大呌聲陶  
淵明桃源記南陽劉子驥高尚士也聞之欣然規往遊焉嶺衣錄異菖蒲澗在眉  
州城之東北十五里澗中生菖蒲多是一寸十二節山半有共蒲觀跨水有玉舄  
閣卽安期生上昇之地互見三十五卷廣州蒲澗寺注羅浮山記  
葛稚川入羅浮煉丹弟子從之者五百餘人置觀四所今丹在焉

施註蘇詩卷之四十二













